

四庫全書

經部

欽定四庫全書

禮書綱目卷五十三

婺源江永撰

歷數

通禮一

補

黃帝迎日推策

晉灼曰策數也迎數之也璣曰日月朔望未來而推之故曰迎日

順天

地之紀幽明之占旁羅日月星辰

旁羅大戴禮作歷離史記

少

皞氏以鳥名官

少皞金天氏黃帝之子已姓之祖也

鳳鳥氏歷正也

鳳鳥知天

時故以名 歷正之官 玄鳥氏司分者也

玄鳥燕也以春分來秋分去

伯趙氏司

至者也

伯趙伯勞也以夏至鳴冬至止

青鳥氏司啓者也

青鳥鵲也立春鳴立

夏止丹鳥氏司閉者也

丹鳥鷩雉也以立秋來立冬去入大水為蜃上四鳥皆歷正之屬官

年昭十七年左氏傳

帝顓頊載時以象天

帝嚳歷日月而迎

送之

史記

帝嚳能序星辰以著衆

著衆謂使民興事知休作之期也祭法

堯乃命羲和欽若昊天歷象日月星辰敬授人時

集傳曰羲

氏和氏主歷象授時之官若順也昊廣大之意歷所以紀數之書象所以觀天之器如下篇璣衡之屬是也日陽精

一日而繞地一周月陰精一月而與日一會星二十八宿衆星為經金木水火土五星為緯皆是也辰以日月

所會分周天之度為十二次也人時謂耕獲分命羲和

之候凡民事早晚之所關也其說詳見下文

宅嵎夷曰暘谷寅賓出日平秩東作日中星鳥以殷仲

春厥民析鳥獸孳尾

此下四節言歷既成而分職以頒布且考驗之恐其推步之或差也

或曰上文所命蓋義伯和伯此乃分命其仲叔未詳是

否也宅居也嵎夷即禹貢嵎夷既略者也曰暘谷者取

日出之義義仲所居官次之名蓋官在國都而測候之所則在於嵎夷東表之地也寅敬也賓禮接之如賓客

也亦帝嚳歷日月而迎送之意出日方出之日蓋以春分之旦朝方出之日而識其初出之景也平均秩序作

起也東作春月歲功方興所當作起之事也蓋以歷之節氣早晚均次其先後之宜以授有司也日中者春分

之刻於夏永冬短為適中也晝夜皆五十刻舉晝以見夜故曰日星鳥南方朱鳥七宿唐一行推以鶉火為春

分昏之中星也殷中也春分陽之中也析分散也先時冬寒民聚於隩至是則以民之散處而驗其氣之溫也

乳化曰孳交接曰尾以物之生育而驗其氣之和也

申命羲叔宅南交平秩南訛

敬致日永星火以正仲夏厥民因鳥獸希革

申重也南交南方交

趾之地陳氏曰南交下當有曰明都三字訛化也謂夏月時物長盛所當變化之事也史記索隱作南為謂所

當為之事也敬致周禮所謂冬至之景尺有五寸謂之地中祠日而識其景如所謂日至之景尺有五寸謂之地

中者也永長也日永晝六十刻也星火東方蒼龍七宿大謂大火夏至昏之中星也正者夏至陽之極午為正

陽位也因析而又析以氣愈熱而民愈散處也希革鳥獸毛希而革易也分命和仲宅西曰

昧谷寅饒納日平秩西成宵中星虛以殷仲秋厥民夷

鳥獸毛毳

西謂西極之地也曰昧谷者以日所入而名也錢禮送行者之名納日方納之日也蓋以

秋分之莫夕方納之日而識其景也西成秋月物成之時所當成就之事也宵夜也宵中者秋分夜之刻於夏冬為適中也晝夜亦各五十刻舉夜以見日故曰宵星虛北方玄武七宿之虛星秋分昏之中星也亦曰殷者秋分陰之中也夷平也暑退而人氣平也毛毳鳥獸毛落更生潤澤鮮好也申命和叔宅朔

方曰幽都平在朔易日短星昴以正仲冬厥民隩鳥獸

毳毛

朔方北荒之地謂之朔者朔之為言蘇也萬物至此死而復蘇猶月之晦而有朔也日行至是則淪

於地中萬象幽暗故曰幽都在察也朔易冬月歲事已畢除舊更新所當改易之事也日短晝四十刻也星昴西方白虎七宿之昴宿冬至昏之中星也亦曰正者冬至陰之極子為正陰之位也隩室之內也氣寒而民聚於內也毳毛鳥獸生與毳細毛以自溫也蓋既命羲和造歷制器而又分方與時使各驗其實以審夫推步之

差聖人之敬天勤民其謹如此是以術不違天而政不失時也又按此冬至日在虛昏中昴今冬至日在斗昏中壁中星不同者蓋天有三百六十五度四分之度之一歲有三百六十五日四分之度之一天度四分之度之一而有餘歲日四分之一而不足故天度常平運而舒日道常內轉而縮天漸差而西歲漸差而東此歲差之由唐一行所謂歲差者是也古歷簡易未立差法但隨時占候修改以與天合至東晉虞喜始以天為天以歲為歲乃立差以追其變約以五十年退一度何承天以為太過乃倍其年而又反不及至隋劉焯取二家中數七十五年為近之然亦未為精密也因附著於此

帝曰咨汝羲暨和朞三百有六旬

有六日以閏月定四時成歲允釐百工庶績咸熙也嗟

歎而告之也暨及也朞猶周也允信釐治工官庶衆績功咸皆熙廣也天體至圓周圍三百六十五度四分之度

之一繞地左旋常一日一周而過一度日麗天而少遲
故日行一日亦繞地一周而在天為不及一度積三百
六十五日九百四十分日之二百三十五而與天會是
一歲日行之數也月麗天而尤遲一日常不及大十三
度十九分度之七積二十九日九百四十分日之四百
九十七而與日會十二會得全日三百四十八餘分之
積又五千九百八十八通計得日三百五十四百九十四
而一得六不
盡三百四十八通計得日三百五十四百九十四而一得六不
之三百四十八是一歲月行之數也歲有十二月月有
三十日三百六十者一歲之常數也故日與天會而多
五日九百四十分日之二百三十五者為氣盈月與日
會而少五日九百四十分日之五百九十二者為朔虛
合氣盈朔虛而閏生焉故一歲閏率則十日九百四十
分日之八百二十七三歲一閏則三十二日九百四十
分日之六百單一五歲再閏則五十四日九百四十分
日之三百七十五十有九歲七閏則氣朔分齊是為一

章也故三年而不置閏則春之一月入於夏而時漸不定矣子之一月入於丑而歲漸不成矣積之之久至於三失閏則春皆入夏而時全不定矣十二失閏子皆入丑歲全不成矣其名實乖戾寒暑反易農桑庶務皆失其時故必以此餘日置閏月於其間然後四時不差而歲功得成以此信治百官而衆功皆廣也 堯典

舜在璿璣玉衡以齊七政

在察也美珠謂之璿璣機也璿璣所以象天體之運

轉也衡橫也謂衡簫也以玉為管橫而設之所以窺璣而齊七政之運行猶今之渾天儀也七政日月五星也七者運行於天有遲有速有順有逆猶人君之有政事也此言舜初攝位整理庶務首察璣衡以齊七政蓋歷象授時所當先也 按渾天儀者天文志云言天體者三家一曰周髀二曰宣夜三曰渾天宣夜絕無師說不知其狀如何周髀之術以為天似覆盆蓋以斗極為中高而四邊下日月旁行遶之日近而見之為晝日遠

而不見為夜蔡邕以為考驗天象多所違失渾天說曰天之形狀似鳥卵地居其中天包地外猶卵之裹黃圓如彈丸故曰渾天言其形體渾渾然也其術以為天半覆地上半在地下其天居地上見者一百八十二度半強地下亦然北極出地上三十六度南極入地下亦三十六度而嵩高正當天之中極南五十五度當嵩高之上又其南十二度為夏至之日道又其南二十四度為春秋分之日道又其南二十四度為冬至之日道南下去地三十一度而已是夏至日北去極六十七度春秋分去極九十一度冬至去極一百一十五度此其大率也其南北極持其兩端其天與日月星宿斜而迴轉此必古有其法遭秦而滅至漢武帝時落下閎始經營之鮮于妄人又量度之至宣帝時耿壽昌始鑄銅而為之象宋錢樂又鑄銅作渾天儀衡長八尺孔徑一寸璣徑八尺圓周二丈五尺強轉而望之以知日月星辰之所在即璿璣玉衡之遺法也

巡守協時月

正日

時謂四時月謂月之大小日謂日之甲乙諸侯之國其有不齊者則協而正之也

洪

範次四曰協用五紀

五紀曰協所以合天也

四五紀一曰歲二曰

月三曰日四曰星辰五曰歷數

歲者序四時也月者定晦朔也日者正躔度也

星經星緯星辰日月所會十二次也歷數者占步之法所以紀歲月日星辰也

太史正

歲年以序事頒之於官府及都鄙

中數曰歲朔數曰年中朔大小不齊正之

以閏若今時作歷日矣定四時以次序授民時之事春秋傳曰閏以正時時以作事以厚生生民之本於是

乎頒告朔於邦國

天子頒朔於諸侯諸侯藏之祖廟至朔朝於廟告而受行之鄭司農云頒

讀為班班布也以十二月朔布告天下諸侯

馮相氏掌十有二歲十有

二月十有二辰十日二十有八星之位辨其叙事以會

天位

說歲謂太歲歲星與日同次之月斗所建之辰樂說歲星與日常應太歲月建以見歲日月星辰宿

之位謂方面所在辨其叙事若謂仲春辨秩東作仲夏辨秩南說仲秋辨秩西成仲冬辨在朔易會天位者合此歲日月星辰宿五者以為時事之候若今

歷日太歲在某月某日某甲朔日值某也

冬夏致日

春秋致月以辨四時之序

冬至日牽牛景丈三尺夏至日在東井景尺五寸此長短

之極極則氣至冬無憊陽夏無伏陰春分日在婁秋分日在角而月弦於牽牛東井亦以其景知氣至否春秋

冬夏氣皆至則是四時之叙正矣

同上

土圭尺有五寸以致日

致日度景至否

夏日至之景尺有五寸冬至之景丈有三尺

考工記玉人

典瑞土圭以致四時

日月以致四時日月者度其景至不至以知其行孟

春乃命太史守典奉法司天日月星辰之行宿離不貸

毋失經紀以初為常

典六典法八法也離讀如儷偶之儷宿儷謂其屬馮相氏保章氏掌

天文者相與宿偶當審候伺不得過差也經紀謂天文進退度數月令

右治歷 澤中有火草君子以治歷明時

四時之變草之

大者象傳

聖人慎守日月之數以察星辰之行以

序四時之順逆謂之厯截十二管以宗八音之上

下清濁謂之律也律居陰而治陽

因地主氣

厯居陽而

治陰

因天主事

律歷迭相治也

律以治時

其間不容髮

其

致一也

桓公十七年冬十月朔日有食之

乙甲

者歷之紀也晦朔者日月之會也日食不可以不存晦朔晦朔須甲乙而可推故日食必以書朔日

為例不書日官失之也天子有日官諸侯有日御官

日御典歷數者日官居卿以底日禮也日官天子掌歷者不在六卿之數而

位從卿故言居卿也日御不失日以授百官於朝

日官平歷以坵諸侯諸侯奉之不失天時以授百官左傳文公元年於是

閏三月非禮也

於歷法閏當在僖公末年誤於今年三月置閏蓋時達歷者所譏

先王之正時也履端於始舉正於中歸餘於終步履

之始以為術之端首暮之日三百六十有六日日月之行又有遲速而必分為十二月舉中氣以正

月有餘日則歸之於終積履端於始序則不愆四時

而為閏故言歸餘於終無愆舉正於中民則不惑斗建不失其常故無疑惑歸

餘於終事則不悖四時得所則六年閏月不告

朔非禮也經稱告月傳稱告朔閏以正時四時漸差

正時以作事順時事以厚生事不失時生民之道

於是乎在矣不告閏朔棄時政也何以為民襄

公二十七年十一月乙亥朔日有食之辰在申司

歷過也再失閏矣

謂斗建指申周十一月今之九月斗當建戌而在申故知再失

閏也文十一年三月甲子至今年七十一歲應有二十六閏今長歷推得二十四閏通計少再閏釋

例言之

哀公十二年冬十有二月螽

周十二月今十月是

歲應置閏而失不置雖書十二月實今之九月司歷誤一月九月之初尚溫故得有螽

季孫

問諸仲尼仲尼曰丘聞之火伏而後蟄者畢

火心星也

火伏在今火猶西流司歷過也

猶西流言未盡沒知是九月歷官失

一閏釋例論之備

明年經書十有二月螽注云前年季孫雖聞仲尼之言而不正歷失閏至此年

故復十二月
並同
上

洪範次八曰念用庶徵

庶徵曰念所以省驗也

八庶徵曰雨曰暘

曰燠曰寒曰風曰時五者來備各以其叙庶草蕃廡

驗

也廡豐茂所驗者非一故謂之庶徵雨暘燠寒風各以時至故曰時也備者無缺少也叙者應節候也五者備而不失其叙庶草且蕃廡矣則其他可知也雨屬水暘屬火燠屬木寒屬金風屬土吳仁傑曰易以坎為水北方之卦也又曰日以烜之則暘為火矣小明之詩首章云我征徂西二月初吉二章云昔我往矣日月方燠夫以二月為燠則燠之為春為木明矣漢志引狐突金寒之言顏師古謂金行在西故謂之寒則寒之為秋為金明矣又按稽疑以雨屬水以霽屬火霽暘也則庶徵雨之為

水陽之為火類例抑又甚明蓋五行乃生數自然之叙
五事則本於五行庶徵則本於五事其條理次第相為
貫通有秩然而一極備凶一極無凶極備過多也極無
不可紊亂者也
雨多則澇雨少則旱是極
備亦凶極無亦凶餘準是
曰休徵曰肅時雨若曰又時
暘若曰哲時燠若曰謀時寒若曰聖時風若曰咎徵曰
狂恒雨若曰僭恒暘若曰豫恒燠若曰急恒寒若曰蒙
恒風若
為妄僭差豫急急迫蒙昧也在天為五行在人
咎徵各以類應之自然之理也然必曰某事得則某休
徵應某事失則某咎徵應則亦膠固不通而不足與語
造化之妙矣天人之際未易言也失得
之機應感之徵非知道者孰能識之哉
曰王省惟歲卿

士惟月師尹惟日

歲月日以尊卑為徵也王者之失得其徵以歲卿士之失得其徵以月師

尹之失得其徵以日蓋雨暘燠寒風五者之休咎有係一歲之利害有係一月之利害有係一日之利害各以

其大小歲月日時無易百穀用成乂用明俊民用章家言也

用平康

歲月日三者雨暘燠寒風不失其時則其效如此休徵所感也

日月歲時既易

百穀用不成乂用昏不明俊民用微家用不寧

日月歲三者雨

暘燠寒風既失其時則其害如此咎徵所致也休徵言歲月日者總於大也咎徵言日月歲者著其小也

庶

民惟星星有好風星有好雨日月之行則有冬有夏月

之從星則以風雨

民之麗乎土猶星之麗乎天也好風者箕星好雨者畢星漢志言軫星亦

好雨意者星宿皆有所好也日有中道月有九行中道者黃道也北至東井去極近南至牽牛去極遠東至角西至婁去極中是也九行者黑道二出黃道北赤道二出黃道南白道二出黃道西青道二出黃道東并黃道為九行也日極南至於牽牛則為冬至極北至於東井則為夏至南北中東至角西至婁則為春秋分月立春春分從青道立秋秋分從白道立冬冬至從黑道立夏夏至從赤道所謂日月之行則有冬有夏也月行東北入於箕則多風月行西南入於畢則多雨所謂月之從星則以風雨也民不言省者庶民之休咎係乎上人之得失故但以月之從星以見所以從民之欲者如何爾夫民生之衆寒者欲衣饑者欲食鰥寡孤獨者之欲得其所以好風好雨之所先而卿士師尹近民者之責也然星雖有好風好雨之異而日月之行則有冬有夏之常以月之常行而從星之異好以卿士師尹之常職而從民之異欲則其從民者非所以徇民矣言日月而不言歲

者有冬有夏所以成歲功也言月而不言日者從星惟月為可見耳洪範

保章氏掌天星

以志星辰日月之變動以觀天下之遷辨其吉凶

志古文識

識記也星謂五星辰日月所會五星有贏縮園角日有薄食暈珥月有虧盈朏側匿之變七者右行列舍天下禍福變移所在皆見焉以星土辨九州之地所封封域皆有分星

以觀妖祥

星土星所主土也封猶界也鄭司農說星土以春秋傳曰參為晉星商主大火國語曰歲

之所在則我有周之分野之屬是也玄謂大界則曰九州中諸國中之封域於星亦有分焉其書亡矣堪輿

雖有郡國所入度非古數也今其存可言者十二次之分也星紀吳越也玄枵齊也娵訾衛也降婁魯也大梁趙也實沈晉也鶉首秦也鶉火周也鶉尾楚也壽星鄭也大火宋也析木燕也此分野之妖祥主用客星慧孛

之氣以十有二歲之相觀天下之妖祥歲謂太歲歲星與日同次之月

斗所建之辰也歲星為陽右行於天太歲為陰左行於地十二歲而小周其妖祥之占甘氏歲星經其遺象也鄭司農云太歲所在歲星所居春秋傳曰越得歲而吳伐之必受其凶之屬是也以五雲之物

辨吉凶水旱降豐荒之祲象物色也視日旁雲氣之色降下也知水旱所下之國

鄭司農云以二至二分觀雲氣青為蟲白為喪赤為兵荒黑為水黃為豐故春秋傳曰凡分至啓閉必書雲物為備故也故曰凡此五物以詔救政以十有二風察天地之和命乖別之

妖祥十有二辰皆有風吹其律以知和不其道亡矣春秋襄十八年楚師伐鄭師曠曰吾驟歌北風又歌南風南風不競多死聲楚必無功凡此五物者以詔救是時楚師多凍其命乖別審矣

政訪序事

訪謀也見其象則當豫為之備以詔王救其政且謀今歲天時占相所宜次序其事春

官

眡侵掌十輝之法以觀妖祥辨吉凶

妖祥善惡之徵鄭司農云

輝謂日
光炁也

一曰侵二曰象三曰鑄四曰監五曰闇六曰瞢

七曰彌八曰叙九曰躋十曰想

故書彌作迷躋作資鄭司農云侵陰陽氣相侵

也象者如赤烏也鑄謂日旁氣四面反鄉如輝狀也監雲氣臨日也闇日月食也瞢日月瞢瞢無光也彌者白

虹彌天也叙者雲有次序也如山在日上也躋者升氣也想者輝光也玄謂鑄讀如童子佩鑄之鑄謂日旁氣

刺目也監冠珥也彌氣貫日也躋虹也掌安宅叙降宅

也降下也人見妖祥則不安主安其正歲則行事占夢居處也次序其凶禍所下謂禳移也

冬贈惡夢此正月而行
安宅之事所以順民
歲終則弊其事
弊斷也謂計其吉凶然否多少

上同

右占候 僖公五年春王正月辛亥朔日南至

正周

月今十一月冬至之日日南極公既視朔遂登觀臺以望而書禮

也視朔親告朔也觀臺臺上構屋可以遠觀者也朔旦冬至歷數之所始治歷者因此則可以明

其術數審別陰陽叙事訓民魯君不能常修此禮故善公之得禮凡分至啓閉必

書雲物分春秋分也至冬夏至也啓立春立夏閉立秋立冬雲物氣色災變也傳重申周典

不言公者日官掌其職為備故也素祭妖祥逆為之備左氏傳 十六年

王正月戊申朔隕石於宋五

隕落也聞其隕視之石數之五各隨其聞

見先後而記之莊七年星隕如雨見星之隕而隊於四遠若山若水不見在地之驗此則見在地之

驗而不見始隕之星史各據事而書

是月六鷁退飛過宋都

是月隕石之月

重言是月嫌同日鷁水鳥高飛遇風而退宋人以爲災告於諸侯故書

春秋

隕石于宋

五隕星也

但言星則嫌星使石隕故傳言隕星

六鷁退飛過宋都風

也

六鷁遇迅風而退飛風高不爲物害故不記風之異

周内史叔興聘于宋

宋襄公問焉曰是何祥也吉凶焉在

祥吉凶之先見者襄公以

爲石隕鷁退能爲禍福之始故問其所在

對曰今茲魯多大喪

今茲明

年齊有亂君將得諸侯而不終魯喪齊亂宋襄公不終別以政刑吉

凶他占知之

退而告人曰君失問是陰陽之事非吉凶

所生也

言石隕鷁退陰陽錯逆所為非人所生襄公不知陰陽而問人事故曰君失問叔與

自以對非其實恐為有識所譏故退而告人

吉凶由人吾不致逆君故

也

積善餘慶積惡餘殃故曰吉凶由人君問吉凶不敢逆之故假他占以對

左氏傳 晉

公子重耳適齊齊侯妻之姜氏言於公子曰吾聞

晉之始封也

始封謂唐叔虞

歲在大火閼伯之星也實紀

商人

商殷也自氏五度至尾九度為大火之次閼伯陶唐氏之火正居于商丘祀大火死以配

食相土因之故商主大
火實紀商之吉凶也
商之饗國三十一王
自湯至紂

瞽史之記曰唐叔之世將如商數
瞽史知天道者
今未半

也
自唐叔至惠公十四世故曰未半
子必有晉若何懷安
國語晉語

秦伯納公子董因迎公於河
董因晉大夫周大史率有之後也傳曰辛

有之二子董之
晉故晉有董史
公問焉曰吾其濟乎對曰歲在大

梁將集天行元年始受實沈之星也
歲在大梁謂魯僖公二十

三年歲星在大梁之次也
集成也行道也言公將成天道也公以辰出晉祖唐叔所以封也而以參

入晉星也元年謂文公即位之年魯僖二十四年
歲星去大梁在實沈之次受受於大梁也
自胃七

度至畢十二度為大梁自畢十三度至東井十五度曰實沈 實沈之墟晉人是

居所以興也

墟次也是居居其分次以主祀也傳曰高辛氏有子季曰實沈遷於大夏

主祀參唐人是因成王滅唐而封叔虞南有晉水子燮改為晉侯故參為晉星 今君當之

無不濟矣

當歲星在實沈之虛故無不成

君之行也歲在大火大

火闕伯之星也是謂大辰

君之行謂魯僖公五年重耳出奔時歲在大火

大火大辰也傳曰高辛氏有子曰闕伯遷於商丘祀大火 辰以成善后稷是相

唐叔以封

成善謂辰為農祥周先后稷之所經緯以成善道相視也謂祀農祥以戒農事

封者唐叔封之時歲在大火

瞽史記曰嗣續其祖如穀之滋必

有晉國

晉史記云唐叔之世將如商數今言嗣續其祖明趣同也言晉子孫將繼續其先祖

如穀之蕃滋故必有晉國

且以辰出而以參入皆晉祥也

辰大火也

參伐也參在實沈之次

而天之大紀也

所以大紀天時也傳曰大火為大辰伐亦

為大辰辰時也

濟且秉成必霸諸侯

秉執也

子孫賴之

同上

文公十四年秋七月有星孛入於北斗

孛彗也既見而移入

北斗非常所有故書之

春秋周內史叔服曰不出七年宋齊晉

之君皆將死亂

後三年宋弑昭公五年齊弑懿公七年晉弑靈公史服但言事徵而

不論其占固非末學所得詳言

左氏傳

襄公九年春宋災晉侯問

於士弱

弱士渥濁之子莊子

曰吾聞之宋災於是乎知有天

道何故

問宋何故自知道將災

對曰古之火正或食於心或

食於味以出內火是故味為鷄火心為大火

謂火正之

官配食於火星建辰之月鷄火星昏在南方則令民放火建戌之月大火星伏在日下夜不得見則

令民內火禁放火

陶唐氏之火正閼伯居商丘

陶唐堯有天下號閼

伯高辛氏之子傳曰遷閼伯於商丘主辰辰大火也今為宋星然則商丘在宋地

祀大火

而火紀時焉

謂出內火時

相土因之故商主大火

相土契孫

商之祖也始伐閼伯之後居商丘祀大火商人閱其禍敗之釁必始於

火是以日知其有天道也

閏猶數也商人數所更歷恒多火災宋是殷商

之後故知天道之災必火

公曰可必乎對曰在道國亂無象不

可知也

言國無道則災變亦殊故不可必知

十八年冬十月諸侯

同伐齊十二月楚師伐鄭信於城下而還

信再楚宿也

師多凍役徒幾盡晉人聞有楚師師曠曰不害吾

驟歌北風又歌南風南風不競

歌者吹律以詠八風南風音微故曰

不競也師曠唯歌南北風者聽晉楚之強弱

多死聲楚必無功董叔曰

天道多在西北

歲在豕韋月又建亥故曰多在西北

南師不時必無

功

不時謂觸歲月

叔向曰在其君之德也

言天時地利不如人和

二十八年春無冰梓慎曰今茲宋鄭其饑乎

梓慎魯大

夫今年鄭游吉宋向戌言歲在星紀而淫於亥枵

之明年饑甚傳乃詳其事歲星也星紀在丑斗牛之次亥枵在子虛危之

次十八年晉董叔曰天道多在西北是歲歲星在亥至此年十一歲故在星紀明年乃

不堪陽

時菑無冰也盛陰用事而溫蛇乘龍

宿虛危之星龍歲星歲星木也木龍宋鄭之星也

為青龍失次出虛危下為蛇所乘宋鄭必饑亥枵

虛中也

玄枵三宿虛星在其中

枵耗名也土虛而民耗不饑

何為

歲為宋鄭之星今失常淫入虛耗之次時復無冰地氣發洩故曰土虛民耗

禋竈

曰今茲周王及楚子皆將死

禋竈鄭大夫

歲棄其次而

旅於明年之次以害鳥帑周楚惡之

旅客處也歲星棄星紀之

次客在玄枵歲星所在其國有福失次於北禍衝在南南為朱鳥鳥尾曰帑鶉火鶉尾周楚之分故

周王楚子受其咎俱論歲星過次梓慎則曰宋鄭饑禋竈則曰周楚王死傳故備舉以示卜占惟人

所在十一月癸巳天王崩十二月楚康王卒 昭公

六年三月鄭人鑄刑書

鑄刑書於鼎以

士文伯曰

火見鄭其火乎

火心星周五月昏見

火未出而作火以鑄刑

器

刑器也

藏爭辟焉火如象之不火何為

象類也同氣相求火

未出而用火相感而致災

六月丙戌鄭災

伯終士丈之言

七年夏四

月甲辰朔日有食之晉侯問於士文伯曰誰將當

日食對曰魯衛惡之

凶惡其

衛大魯小公曰何故對

曰去衛地如魯地

衛地豕韋也魯地降婁也日食於豕韋之末及降婁之始乃息

故禍在衛大在魯小周四月今二月故曰在降婁

於是有災魯實受之

災發

於衛而魯受其餘禍

其大咎其衛君乎魯將上卿

八月衛侯卒十一月

季孫公曰詩所謂彼日而食于何不臧者何也感

宿卒

食而問詩對曰不善政之謂也國無政不用善則自取

謫於日月之災

謫譴也

故政不可不慎也八月衛襄

公卒十一月季武子卒晉侯謂伯瑕伯瑕士曰吾

所問日食從矣可常乎

衛侯武子皆卒故

對曰不可六物

不同

各異時

民心不壹

政教殊

事序不類

有變易

官職不

則

治官居職非一法

同始異終胡可常也公曰何謂六物

對曰歲時日月星辰是謂也公曰多語寡人長而

莫同何謂辰對曰日月之會是謂辰

一歲日月十二會所會謂

辰之故以配日

謂以子丑配甲乙

八年冬十月壬午楚師

滅陳晉侯問於史趙曰陳其遂亡乎對曰未也公

曰何故對曰陳顓頊之族也

陳祖舜舜出顓頊

歲在鶉火

是以卒滅陳將如之

顓頊氏以歲在鶉火而滅火盛而水滅

今在析

木之津猶將復由

箕斗之間有析木之津由用也

且陳氏

得政於齊而後陳卒亡

物莫能兩盛

自幕至於瞽瞍無

違命

幕舜之先瞽瞍舜父從幕至瞽瞍間無違天命廢絕者

舜重之以明德

寘德於遂

遂舜後蓋殷之興存舜之後而封遂言舜德乃至於遂

遂世守之

及胡公不淫故周賜之姓使祀虞帝

胡公滿遂之後也事周武

王賜姓曰媯封諸陳紹舜後

臣聞盛德必百世祀虞之世數未

也繼守將在齊其兆既存矣

言陳氏興盛於齊形兆已見

九

年夏四月陳災鄭裨竈曰五年陳將復封封五十

二年而遂亡子產問其故對曰陳水屬也

陳顓頊之後故

為水屬

火水妃也

火畏水故為之妃

而楚所相也

相治也楚之先祝融

為高辛氏火正主治火事

今火出而火陳

火心星也火出於周為五月而以四月出

者以長歷推
前年誤置閏
逐楚而建陳也
水得妃而興陳興則楚衰故曰逐楚而建

陳妃以五成故曰五年
妃合也五行各相配合得五而成故五歲而陳復封

為十三年陳侯吳歸于陳傳
歲五及鶉火而後陳卒亡楚克有

之天之道也故曰五十二年
是歲歲在星紀五歲及大梁而陳復封自

大梁四歲而及鶉火後四周四十八歲凡五及鶉火五十二年天數以五為紀故五及鶉火火盛水

衰
十年春王正月有星出於婺女
客星也非孛
鄭

裨竈言於子產曰七月戊子晉君將死今茲歲在

顓頊之虛
歲歲星也顓頊之虛謂玄枵
姜氏任氏實守其地
姜齊

姓任薛姓齊薛二國守玄枵之地居其維首而有妖星焉告邑姜

也客星居玄枵之維首邑姜齊太公女晉唐叔之

之既嫁女妖星在葵女邑姜晉之妣也天以七紀齊得歲故知禍歸邑姜

二十八宿面七戊子逢公以登星斯於是乎出逢公殷諸

者逢公將死妖星出葵女時非歲星所在故齊自當禍而以戊子日卒吾是以譏之

為晉侯秋七月戊子晉平公卒如禪竈十一年

春景王問於萇弘曰今茲諸侯何實吉何實凶

周大對曰蔡凶此蔡侯般弑其君之歲也歲在豕

韋

襄三十年蔡世子般弑其君歲在豕韋至今十三歲歲復在豕韋般即靈侯也弗過此

矣

言蔡凶不過此年

楚將有之然壅也

蔡近楚故知楚將有之楚無德而享

大利所以壅積其惡

歲及大梁蔡復楚凶天之道也

楚靈王弑立之

歲歲在大梁到昭十三年歲復在大梁美惡周必復故知楚凶

楚子召蔡靈侯殺

之十一月楚子滅蔡

十五年春將禘于武公戒

百官

齊戒

梓慎曰禘之日其有咎乎吾見赤黑之祲

非祭祥也喪氣也

祲妖氣也蓋見於宗廟故以為非祭祥也氣惡氣也

其在

泣事乎

泣臨也

二月癸酉禘叔弓泣事籥入而卒

十七年冬有星孛於大辰西及漢

大辰房心尾也夏之八月辰星

見在天漢西今字星出辰西光芒東及天漢

申胥曰彗所以除舊布新

也

申胥魯大夫

天事恆象

天道恆以象類告示人

今除於火火出

必布焉諸侯其有火災乎

今火向伏故知當須火出乃布散為災

梓

慎曰往年吾見之是其徵也

徵始有形象而徵也

火出而見

前年火出時

今茲火出而章必火入而伏

隨火沒也

其居火

也久矣

歷三年

其與不然乎

言必然也

火出於夏為三月

謂昏見

於商為四月於周為五月夏數得天

得天正

若

火作其四國當之在宋衛陳鄭乎宋大辰之虛也

大辰大火宋分野

陳太皞之虛也

大皞居陳木火所自出

鄭祝融之

虛也

祝融高辛氏之火正居鄭

皆火房也

房舍也

星孛及漢漢水

祥也

天漢水也

衛顓頊之虛也故為帝丘

衛今濮陽縣昔帝顓頊居

之其城內有顓頊冢

其星為大水

衛星營室水也

水火之牡也

雄牡

也其以丙子若壬午作乎水火所以合也

丙午火壬子水

水火合而相薄水少而火多故水不勝火

若火入而伏必以壬午

尚未知今

孛星當復隨火星俱伏不故言若

不過其見之月

火見周鄭裨竈之五月

言於子產曰宋衛陳鄭將同日火若我用瓊璽玉

瓚鄭必不火

瓚圭也璽玉爵也瓚勺也欲以禳火

子產弗與

以為天災流行

非禳所息故也為明年宋衛陳鄭災傳

十八年夏五月火始昏見

火心

星

丙子風梓慎曰是謂融風火之始也

東北曰融風融風木

也木火母故曰火之始

七日其火作乎

從丙子至壬午七日壬午水火合之日故

知當火作

戊寅風甚壬午火甚宋衛陳鄭皆火梓慎登

大庭氏之庫以望之

大庭氏古國名在魯城內魯於其處作庫高顯故登以望

氣參近占以審前年之言

曰宋衛陳鄭也數日皆來告火

言經

書禪竈曰不用吾言鄭又將火

前年禪竈欲用璫
彈禳火子產不聽

今復請
用之

鄭人請用之

信竈
言

子產不可曰天道遠人

道邇非所及也何以知之竈焉知天道是亦多言

矣豈不或信

多言者或
時有中

遂不與亦不復火

傳言天
道難明

雖禪竈猶不
足以盡知之

鄭之未災也里析告子產曰將有大

祥

里析鄭大夫
祥變異之氣

民震動國幾亡吾身泯焉弗良及

也

言將先
災死

國遷其可乎子產曰雖可吾不足以定

遷矣

子產知天災不可逃非
遷所免故託以知不足

及火里析死矣二

十年春王二月己丑日南至

是歲朔旦冬至之歲也當言正月己丑朔

日南至時史失閏閏更在二月後故經因史而書正月傳更具二月記日南至者以正厯也梓

慎望氛

氛氣也時魯侯不行登臺之禮使梓慎望氛

曰今茲宋有亂國

幾亡三年而後弭蔡有大喪

為宋華向出奔蔡侯卒傳叔孫昭

子曰然則戴桓也

戴族華氏桓族向氏

汰侈無禮已甚亂所

在也

傳言妖由人興

二十一年秋七月壬午朔日有食

之公問於梓慎曰是何物也禍福何為

物事也對曰

二至二分

二至冬至夏至二分春分秋分

日有食之不為災日月

之行也分同道也至相過也

二分日夜等故言同道二至長短極故言

相過

其他月則為災陽不克也故常為水

陰侵陽是陽不勝陰

於是叔輒哭日食

意在於憂災

昭子曰子叔將死非所

哭也八月叔輒卒

二十四年夏五月乙未朔日

有食之梓慎曰將水

陰勝陽故曰將水

昭子曰旱也日過

分而陽猶不克克必甚能無旱乎

過春分陽氣盛時而不勝陰陽

將猥出故為旱

陽不克莫將積聚也

陽氣莫然不動乃將積聚秋八月

大雩旱也

終如叔孫之言

三十一年十二月辛亥朔日

有食之是夜也趙簡子夢童子羸而轉以歌

轉宛也

旦占諸史墨曰吾夢如是今而日食何也

簡子夢適與日

食會謂咎在已故問之

對曰六年及此月也吳其入郢乎終

亦弗克

史墨知夢非日食之應故釋日食之咎而不釋其夢

入郢必以庚辰

庚辰有變日在辰尾故曰以庚辰定四年十一月庚辰吳入郢

日月在辰尾

辰尾龍尾

也周十二月今之十月庚午之日始有謫火勝

金故弗克

謫變氣也庚午十月十九日去辛亥朔四十一日雖食在辛亥更以始變為占

也午南方楚之位也午火庚金也日以庚午有變故災在楚楚之仇敵唯吳故知入郢必吳火勝金

者金為火妃食在辛亥
水也水數六故六年也

三十二年夏吳伐越

始用師於越也

自此之前雖疆事小爭未嘗用大兵

史墨曰不及四

十年越其有吳乎

存亡之數不過三紀歲星三周三十六歲故曰不及四十年哀

二十二年越滅吳至此三十八歲

越得歲而吳伐之必受其凶

此年

歲在星紀星紀吳越之分也歲星所
在其國有福吳先用兵故反受其殃

哀公六年

楚昭王卒是歲也有雲如衆赤鳥夾日以飛三日

楚子使問諸周大史周大史曰其當王身乎

日為人君

妖氣守之故以為當王身雲在
楚上唯楚見之故禍不及他國
若禳之可移於令

尹司馬

祭禳

王曰除腹心之疾而寘諸股肱何益

不穀不有大過天其夭諸有罪受罰又焉移之遂弗禱孔子曰楚昭王知大道矣其不失國也宜哉

並左

氏傳

挈壺氏凡軍事縣壺以序聚櫟凡喪縣壺以代哭者皆

以水火守之分以日夜

鄭司農云縣壺以為漏以序聚櫟以次更聚擊櫟備守也玄謂

擊櫟兩木相敲行夜時也代亦更也禮未大斂代哭以水守壺者為沃漏也以火守壺者夜則視刻數也分以日夜者異晝夜漏也漏之箭晝夜共百刻冬及冬則以夏之間有長短焉大史立成法有四十八箭

火爨鼎水而沸之而沃之

鄭司農云冬水凍漏不故以火炊水沸以沃之謂之漏

也

夏官

雞人凡國事為期則告之時

象雞知時也告其有司主事者少牢

曰宗人朝服北面曰請祭期主人曰比於子宗人曰旦明行事告時者至此旦明而告之

春官

右壺漏

東方未明刺無節也朝廷興居無節號

令不時挈壺氏不能掌其職焉

挈壺氏掌漏刻者詩齊風序



禮書綱目卷五十三

按：本冊原書於抗戰播遷中曾遭水漬，致字跡模糊不清，茲雖力經描修版面，仍無法全復舊觀。

欽定四庫全書

經部

禮書綱目卷五十四

詳校官監察御史_臣左周

給事中_臣溫常綬覆勘

總校官進士_臣何思鈞

校對官中書_臣金光悌

膳錄監生_臣陳秉寧

欽定四庫全書

禮書綱目卷五十四

婺源江永撰

夏小正

通禮二

補

大戴禮補

傳曰何以謂之小正以小著名也

夏以十三月為正平旦為朔殷以十二月為正鷄

鳴為朔周以十一月為正夜半為朔

尚書大傳

王者

受命必改朔何明易姓示不相襲也明受之於天

不受之於人所以變易民心革其耳目以助化也
故喪服大傳曰王始起改正朔易服色殊徽號異
器械別衣服也是以舜禹雖繼太平猶宜改以應
天正朔有三何本天有三統謂三微之月也明王
者當奉順而成之故受命各統一正也禮三正記
曰正朔三而改文質再而復也三微者何謂也陽
氣始於黃泉萬物動微而未著也十一月之時陽
氣始養根株黃泉之下萬物皆赤赤者盛陽之氣

也故周為天正色尚赤也十二月之時萬物始芽
而白白者陰氣故殷為地正色尚白也十三月之
時萬物始達孚甲而出皆黑人得加功故夏為人
正色尚黑不以二月後為正者萬物不齊莫適所
統故必以三微之月也白虎通有扈氏威侮五行

怠棄三正

三正子丑寅之正也夏正建寅怠棄者不用正朔也今按此章則三正迭建其

來久矣舜協時月正日亦所以一正朔也子丑之建唐虞之前當已有之甘誓也

顏淵

問為邦子曰行夏之時

夏時謂以斗柄初昏建寅之月為歲首也天開於子

地聞於丑人生於寅故斗柄建此三辰之月皆可以為歲首而三代迭用之夏以寅為人正商以丑為地正周以子為天正也然時以作事則歲月自當以人為紀故孔子嘗曰吾得夏時焉而說者以為謂夏小正之屬蓋取其時之正與其令之善而於此又以告顏子也

縣子問

子思曰顏回問為邦夫子曰行夏之時若時殷周

異正為非乎

縣子瑣言夏以建寅為正夫子是之則商周以子丑為正乃非乎

子

思曰夏數得天堯舜之所同也

夏以寅為正得天數之全故堯舜亦

然殷周王征伐革命以應乎天因改正朔若云天

時之改爾故不相因也

湯武革命所以應天故變其正朔蓋言若受天命然

夫受禪於人者則襲其統

夏因人心之歸以受禪故亦因其朔不改

受命於天者則革之所以神其事如天道之變然

也三統之義夏得其正是以夫子云

孔子

孔子

曰我欲觀夏道

欲行其禮觀其所成

是故之杞

杞夏后氏之後也

而

不足徵也

徵成也無賢君不足與成也

吾得夏時焉

得夏四時之書也其

書存者有小正禮運

正月啟蟄鴈北鄉雉震响魚陟負冰農緯厥耒初歲祭

耒始用暢時有俊風寒日滌凍塗田鼠出農率均田獺

祭魚鴈則為鳩農及雪澤初服於公田采芸鞠則見初
昏參中斗柄縣在下柳稊梅杏杞桃則華緹縞雞桴粥
傳曰正月啟蟄言始發蟄也鴈北鄉先言鴈而後言
鄉者何也見鴈而後數其鄉也鄉者何也鄉其居也
鴈以北方為居何以謂之為居生且長焉爾九月遘
鴻鴈先言遘而後言鴻鴈何也見遘而後數之則鴻
鴈也何不謂南鄉也曰非其居也故不謂南鄉記鴻
鴈之遘也如不記其鄉何也曰鴻不必當小正之遘

者也雉震响震也者鳴也响也者鼓其翼也正月必
雷雷不必聞唯雉為必聞之何以謂之雷則雉震响
相識以雷魚陟負冰陟升也負冰云者言解蟄也農
緯厥耒緯束也束其耒云爾者用是見君之亦有耒
也初歲祭耒始用暢也暢也者終歲之用祭也其曰
初云爾也者言是月之始用之也初者始也或曰祭
韭也圃有見韭圃也者圃之燕者也時有俊風俊者
大也大風南風也何大於南風也曰合冰必於南風

解冰必於南風生必於南風收必於南風故大之也

寒日滌凍塗滌也者變也變而煖也凍塗者凍下而

澤上多也田鼠出田鼠者噉鼠也記時也農率均田

率者循也均田者始除田也言農夫急除田也獺祭

魚

傳本獺下有獸字

其必與之獻

與疑作謂獻傳作獸

何也曰非其類

也祭也者得多也善其祭而後食之十月豺祭獸謂

之祭獺祭魚謂之獻

傳作獸祭

何也豺祭其類獺祭非其

類故謂之獻

傳作獸

大之也鷹則為鳩鷹也者其殺之

時也鳩也者非其殺之時也善變而之仁也故具言之也曰則盡其辭也鳩為鷹變而之不仁也故不盡其辭也農及雪澤言雪澤之無高下也初服於公田

古者有公田焉者古言先服公田而後服其田也采

芸

舊注云似邪蒿可食

為廟采也鞠則見鞠也者何也星名也

鞠則見者歲再見爾初昏參中蓋記時也云斗柄縣在下言斗柄者所以著參之中也柳稊稊也者發乎也梅杏杔桃則華杔桃山桃也緹縞緹也者莎隨也

縞也者其實也先言縵而後言縞者何也縵先見者也雞桴粥粥也者相粥之時也或曰桴嫗伏也粥養也

二月往耬黍禪初俊羔助厥母粥綏多女士丁亥萬用入學祭鮪榮堇采繁昆小蟲抵蜨來降燕乃睇剝鰾有鳴倉庚榮芸時有見稊始收

傳曰二月往耬黍禪禪單也初俊羔助厥母粥俊也者大也粥也者養也言大羔能食草木而不食其母

也羊羔非其子而後養之善養而繼之也或曰夏

戴

夏作有煮祭祭者用羔是時也不足喜樂喜

傳本作善

羔之

為生也而記之與牛羊

傳云舊註作羔羊

腹時也綏多女士

綏安也冠子娶婦之時也丁亥萬用入學丁亥者吉

日也萬也者干戚舞也入學也者太學也謂今時大

舍采也祭鮪祭不必記記鮪何也鮪之至有時美物

也鮪者魚之先至者也而其至有時謹記其時榮莖

采繁莖采也繁由胡由胡由者繁母也繁旁勃也皆豆

實也故記之昆小蟲抵蚘昆者衆也由魂魂也者動也小蟲動也其先言動而後言蟲者何也萬物至是動而後著抵猶推也蚘螳卵也為祭醢也取之則必推之推之不必取取必推而不言取來降燕乃睇燕乙也降者下也言來者何也莫能見其始出也故曰來降言乃睇何也睇者眇也眇者視可為室者也百鳥皆曰巢窠穴取與之室何也摻泥而就家入人內也剥蟬以為鼓也有鳴倉庚倉庚者商庚也商庚者

長股也榮芸時有見稊始收有見稊而後始收是小
正序也小正之序時也皆若是也稊者所為豆實

三月參則伏攝桑委楊羴羊穀則鳴頌冰采識妾子始
蠶執養宮事祈麥實越有小旱田鼠化為鴽拂桐芭鳴
鳩

傳曰三月參則伏伏者非亡之辭也星無時而不見
我有不見之時故曰伏云攝桑攝而記之急桑也委
一作楊楊則花而後記之羴羊羊有相還之時其類

韋韋然記變爾或曰韋韋也穀則鳴穀天蟻也頒冰
頒冰者分冰以授大夫也采識識草也妾子始蠶先
妾而後子何也曰事有漸也言自卑事者始也

傳本云當

云事自卑者始或無也字

執養宮事執操也養長也祈麥實麥實

者五穀之先見者故急祈而記之也越有小旱越于
也記是時恒有小旱田鼠化為鴽鴽也變而之善
故盡其辭也鴽為鼠變而之不善故不盡其辭也拂
桐芭拂也者拂也桐芭之時也或曰言桐芭始生貌

拂拂然也鳴鳩言始相命也先鳴而後鳩何也鳩者
鳴而後知其鳩也

四月昴則見初昏南門正鳴札囿有見杏鳴蜮王萇莠
取荼莠幽越有大旱執陟攻駒

傳曰四月昴則見初昏南門正南門者星也歲再見
壹正蓋大正所取法也鳴札札者寧縣也鳴而後知
之故先鳴而後札囿有見杏囿者山之燕者也鳴蜮
蜮也者或曰屈造之屬也王萇莠取荼荼也者以為

君薦蔣也芳幽越有大旱記時爾執陟攻駒執也者
始執駒也始執駒也者離之去母也執而升之君也
攻駒也者教之服車數舍之也

五月參則見浮游有殷鳩則鳴時有養日乃瓜良蜩鳴
匱之興五日翕望乃伏啟灌藍蓼鳩為鷹唐蜩鳴初昏
大火中煮梅蓄蘭菽糜頒馬

傳曰五月參則見參也者伐星也故盡其辭也浮游
有殷殷衆也浮游者渠略也朝生而暮死稱有何也

有見也鵠則鳴鵠者百鵠也鳴者相命也其不辜之時也是善之故盡其辭也時有養日養長也一則在本一則在末故其記曰時養日云也乃瓜

傳本瓜上
有衣字

乃

傳云一本
有衣字

者急瓜

傳云一
作衣

之辭也

傳云一本有衣
也者始創衣也

瓜也者始食瓜也良蜩鳴良蜩也者五采具匱之興五日翕望乃伏其不言生而稱興何也不知其生之時故曰興以其興也故言之興五日翕也望也者月之望也而伏云者不知其死也故謂之伏五日也者

十五日也。翕也者，合也。伏也者，入而不見也。啓灌藍，蓼啟者，別也。陶而疏之也。灌者，聚生者也。記時也。鳩為鷹，唐蜩鳴，唐蜩鳴者，匿也。初昏，大火中大火者，心也。心中種黍菽糜時也。菹梅為豆，實也。蓄蘭為沐浴也。菽糜以在經中矣。又言之時何也？是食短關而記之。頒馬分夫婦。一作大之駒也。將間諸則，或取離駒納之，則法也。

六月初昏，斗柄正在上，菹桃鷹始摯。

傳曰六月初昏斗柄正在上五月大火中六月斗柄

正在上用此見斗柄之不在當心也蓋當依依尾也

煮桃桃也者杔桃也杔桃也者山桃也煮以為豆實

也傳本杔作施註云按爾雅杔杔郭璞云白杔也樹似白楊而古今字書有杔而無杔亦無有訓山桃

者爾雅杔杔山桃音斯唐韻亦云此書施桃者山桃也當作杔蓋傳寫之誤鷹始摯始摯

而言之何也諱煞之辭也傳本有摯云言字

七月秀藿葦裡子肇肆湟潦生革爽死革秀漢案戶寒

蟬鳴初昏織女正東鄉時有霖雨灌荼斗柄縣在下則

旦

傳曰七月莠藿葦未莠則不為藿葦莠然後為藿葦
故先言莠裡子肇肆肇始也肆遂也言其始遂也其
或曰肆殺也湟潦生革湟下處也有湟然後有潦有
潦而後有革草也爽死爽也者猶疏也革莠革也者
有馬帚也漢案戶漢也者河也此大戴無案戶也者直
戶也言正南北也寒蟬鳴蟬也者蜩螗也初昏織女
正東鄉時有霖雨灌荼灌聚也荼灌葦之莠傳本有也字

為蔣楮之也藿未秀為莢葦未秀為蘆

傳本秀皆作莠

斗柄

縣在下則旦

八月剝瓜立校剝棗棗零丹鳥羞白鳥辰則伏鹿人從
駕為鼠參中則旦

傳曰八月剝瓜剝瓜也者畜瓜之時也立校立也者
黑也校也者若綠色然婦人未嫁者衣之剝棗剝也
者取也棗零零也者降也零而後取之故不言剝也
丹鳥羞白鳥丹鳥者謂丹良也白鳥者謂蚊蚋也其

謂之鳥也重其養者也有翼者為鳥羞也者進也不
盡食也辰則伏辰也者謂星也伏也者入而不見也
鹿人從鹿人從者從羣也鹿之養也離羣而善而傳
無此之離而生非所知時也故記從不記離君子之
居幽也不言或曰人從此大戴無人從也者大者於外
小者於內率之也駕為鼠參中則旦

九月內火遘鴻鴈主夫出火陟玄鳥蟄熊罷貉鼯鼯則
穴榮鞠樹麥王始裘辰繫於日雀入于海為蛤

傳曰九月內火內火也者大火也大火也者心也遷鴻雁
遷往也主夫出火主夫也者主以時縱火也陟玄鳥
蟄陟升也玄鳥者鷺也先言陟而後言蟄何也陟而
後蟄也熊羆貉鼯鼯則穴若蟄而榮鞠樹麥大戴無樹
麥字傳云或曰傳文也鞠草也鞠榮而樹麥時之急也王始裘
王始裘者何也衣裘之時也辰繫於日雀入於海燕
蛤蓋有矣非常人也

十月豺祭獸初昏南門見黑鳥浴時有養夜玄雉入於

淮為蜺織女正北鄉則旦

傳曰十月豺祭獸善其祭而後食之也初昏南門見南門者星名也及此再見矣黑鳥浴黑鳥者何也烏也浴也者飛乍高乍下也時有養夜時有養夜者養長也若日之長也玄雉入於淮為蜺蜺者蒲蘆也織女正北鄉則旦織女星名也

十有一月王狩陳筋革嗇人不從隕麋角

傳曰十有一月王狩狩者言王之時田冬獵為狩陳

筋革陳筋革者省甲兵也嗇人不從不從者弗行於時月也萬物不通隕麋角隕墜也日冬至陽氣至始動諸向生皆蒙蒙符矣故麋角隕記時焉爾

十有二月鳴弋玄駒賁納卯蒜虞人入梁隕麋角

傳曰十有二月鳴弋弋也者禽也先言鳴而後言弋者何也鳴而後知其弋也玄駒賁玄駒也者螳也賁者何也走於地中也納卯蒜卯蒜也者本如卵者也納者何也納之君也虞人入梁虞人官也梁者主設

罔咎者也隕麋角蓋陽氣旦睹也故記之也

單子曰夫辰角見而雨畢

辰角大辰蒼龍之角角星名也見者朝見東方

建戌之初寒露節也雨畢者殺氣日至而雨氣盡也

天根見而水涸

天根亢

涸竭也謂寒露雨畢之後五日天根朝見水潦盡竭也月令仲秋水始涸天根見乃盡竭也

本

見而草木節解

本氏也謂寒露之後十日陽氣盡草木之枝節皆理解也

馬見

而隕霜

謂建戌之中霜始降也

火見而清風戒寒

謂霜降之後清風先至所以戒人為寒備也

故先王之教曰雨畢而除

道水涸而成梁

教謂月令之屬也九月雨水涸也

草木節解而

備藏

季秋農事畢收

隕霜而冬裘具

孟冬天子始裘故九月可

具

清風至而修城郭宮室

謂火見之後

故夏令曰

九月除道十月成梁

夏令夏后氏之令周所因也除道所以便行旅成梁所以

便民使

其時儆曰收而場功儆而畚揭

時儆時以儆告其民

也收而場功使人修囷倉也儆具也畚器名土籠也揭舁土之器具爾畚揭以築作也

營室

之中土功其始

定謂之營室也建亥小雪中定星昏正於午土功可以始故詩云定

之方中作

火之初見期於司里

期會也致其築作之具會於司里之

官也此先王所以不用財賄而廣施德於天下者也

施德謂因時警戒謹蓋藏
成築功也 國語周語

周月

通禮三

補

周月維一月既南至昏昴畢見日短極基踐長微陽
動於黃泉陰降慘於萬物是月斗柄建子始昏北指
陽氣虧草木萌蕩日月俱起於牽牛之初右回而行
月周天起一次而與日合宿日行月一次而周天歷
舍於十有二辰終則復始是謂日月權輿與周正歲

道數起於時一而成於十次一為首其義則然凡四
時成歲歲有春夏秋冬各有孟仲季以名十有二月
中氣以著時應春三中氣雨水春分穀雨夏三中氣
小滿夏至大暑秋三中氣處暑秋分霜降冬三中氣
小雪冬至大寒閏無中氣斗指兩辰之間萬物春生
夏長秋收冬藏天地正四時之極不易之道夏數得
天百王所同其在商湯用師於夏除民之災順天革
命改正朔變服殊號一文一質示不相沿以建丑為

正易民之眡若天時大變亦一代之時亦越我周王
致伐於商改正異械以垂三統至於敬授民時巡狩
祭享猶自夏焉是謂周月以紀於政

汲冢周書
周月解

大史正歲年以序事頒之於官府及都鄙

中數曰歲朔
數曰年中朔

大小不齊正之以閏若今時作歷日矣定四時以次序
授民時之事春秋傳曰閏以正時時以作事事以厚生
生民之本於是
乎在春官 鄉師凡四時之徵令有常者以木鐸

徇於市朝

徵令有常者謂田狩及正月命修封疆二
月令雷且發聲地官以上歲時常命

族師月吉則屬民而讀邦法書其孝弟睦姻有學者

月吉

每月朔日也
此條每月吉日 地官

小宰月終則以官府之叙受羣

吏之要

主每月計

宰夫月終則令正月要 宮正月終

則會其稍食

宮伯月終則均秩 酒正酒正之出日

入其成月入其要小宰聽之

出謂授酒材及用酒之多少也受用酒者日言其計

於酒正酒正月盡言於小宰
並天官以上月終

黨正及四時之孟月吉日

則屬民而讀邦法以糾戒之

以四孟之月朔日讀法者彌親民者於教亦彌數

地官 此條
四孟月吉日

宮正春以木鐸修火禁

火星以春出以秋入因天時而

戒

庖人凡用禽獻春行羔豚膳膏香

用禽獻謂剪和之以獻王鄭司

農云膏香牛脂也
以牛脂和之

獸人春獻獸物

獸物凡獸皆可獻也及狐狸

獻

人春獻王鮪

王鮪鮪之大者月令季春薦鮪於寢廟

鼈人春獻鼈蜃

凌人掌冰春始治鑑

鑑如甄大口以盛冰置食物於中以禦溫氣春而始治之為二月將

獻羔而啓冰

掌皮春獻之

皮革踰歲乾久乃可用獻之獻其良者於王以入司裘給王用

遂以式法頒皮革於百工

式法作物所用多故事並天官

州長春

以禮會民而射於州序

序州黨之學也

黨正春祭禁讀邦法

禁謂雩禁水旱之神

族師春祭酺讀邦法

酺者為人物裁害之神也並地官

大宗伯以祠春享先王

大胥春入學舍采合舞

春始以學

士入學宮而學之合舞等其進退使應節奏舍即釋也采讀為菜始入學必釋菜禮先師也菜蘋蘩之屬

男巫春招弭以除疾病

招招福也弭讀為救救安也安凶禍也招救皆有祀衍之禮

並春官

橐人春獻素

校人春祭馬祖執駒

馬祖天駒也執猶拘

也春通滛之時駒弱血氣未定為其乘匹傷之

圉師春除蓐豐廐始牧茲也

馬既出而除之新豐焉神之也並夏官

雍氏春令為阱獲溝瀆之利於

民者

阱穿地為塹所以禦禽獸其或超踰則陷焉世謂之陷阱獲柞鄂也堅地阱淺則設柞鄂於其中

雍氏掌殺草春始生而萌之

萌之者以茲其所其生者

大行人

春朝諸侯而圖天下之事

王者春見諸侯則圖其事之可否

小行人

令諸侯春入貢

貢六服所貢也並秋官以上春

小宰正歲帥治官

之屬而觀治象之法徇以木鐸曰不用法者國有常刑

正歲謂夏之正月得四時之正以出教令者審也古者將有新令必奮木鐸以警衆使明聽也木鐸木舌也文

事奮金鐸武

乃退以宮刑憲禁於王宮

憲謂表縣之若今新有法令云

令於百官府曰各修乃職攷乃法待乃事以聽王命其

有不共則國有大刑

乃猶女也

宰夫正歲則以法警戒羣

吏令修宮中之職事

警勅戒之言鄭司農云正歲夏之正月以法戒勅羣吏

內

宰正歲均其稍食施其功事憲禁令於王之北宮而糾

其守

均猶調度也施猶賦也北宮后之六宮謂之北宮者繫於王言之明用王之禁令今之守宿衛者並天

官

大司徒正歲令於教官曰各共爾職修乃事以聽王

命其有不正則國有常刑

正歲夏正月朔日

小司徒正歲則帥

其屬而觀教象之法徇以木鐸曰不用法者國有常刑令

羣吏憲禁令修法糾職以待邦治

憲表縣之

鄉師正歲稽其

鄉器鄉大夫正歲命羣吏攷法於司徒以退各憲之於

其所治

州長正歲則讀教法如初

雖以正月讀之至正歲猶復讀之因此四

時之正重申之

黨正正歲屬民讀法而書其德行道藝

書記之

遂大夫正歲簡稼器修稼政

簡猶開也稼器耒耜鎡基之屬稼政孟春之月令所云皆

修封疆審端經術善相丘陵阪險原隰土地所宜五穀所殖以教道民必躬親之並地官

眠侵正

歲則行事

占夢以季冬贈惡夢此正月而行安宅之事所以順民春官

訓方氏正歲

則布而訓四方

布告以教天下使知世所善惡夏官

小司寇正歲帥其

屬而觀刑象令以木鐸曰不用法者國有常刑令羣士

羣士

遂士以下乃宣布于四方憲刑禁

宣徧也憲表也謂縣之也刑禁士師之五禁

乃命

其屬入會乃致事

得其屬之計乃令致之於王

士師正歲帥其屬而

憲禁令于國及郊野

去國百里為郊郊外謂之野並秋官以上正歲

內宰上

春詔王后帥六宮之人而生種稊之種而獻之於王

六宮之人

夫人以下分居后之六宮者古者使后宮藏種以其有傳類蕃孽之祥必生而獻之示能育之使不傷敗且以佐王耕事共稀郊也鄭司農云先種後熟謂之種後種先熟謂之稊王當以耕種於藉田

天府上

春釐寶鎮及寶器

上春孟春也釐謂殺牲以血釐之

龜人上春釐龜祭

祀先卜

釐者殺牲以血之神之也先卜始用卜筮者言祭言祀尊焉天地之也世本作曰巫咸作筮卜未聞

其人也是上春者夏正建寅之月月令孟冬云釐祠龜策相互矣秦以十月建亥為歲首則月令秦世之書亦或欲以歲首

釐龜耳

簋人上春相簋

相謂更選擇其著也著龜歲易者與

牧師

孟春焚牧

焚牧地以除陳生新草也夏官

內宰中春詔后帥外

內命婦治蠶於北郊以為祭服

蠶於北郊婦人以純陰為尊郊必有公桑蠶室焉

媒氏中春之月令會男女

中春陰陽交以成昏禮順天時也

於是時也

奔者不禁

重天時權許之也

若無故而不用令者罰之

無故謂無喪禍之變

也有喪禍者娶得用非中春之月並地官

籥章中春書擊土鼓敝龜詩以

逆暑

龜詩幽風七月也吹之者以籥為之節七月言寒暑之事迎氣歌其類也此風也而言詩詩總名也迎暑

以畫求諸陽

馮相氏春致月

春分日在婁而月絃於東井亦以其景知氣至不並春官

大司馬中春教振旅

凡師出曰治兵入曰振旅皆習戰也四時各教民以其一焉春習振

旅兵入收眾專於農

遂以蒐田

春田為蒐

羅氏中春羅春鳥獻鳩以養

國老行羽物

春鳥鵲而始出者若今南郡黃雀之屬是時鷹化為鳩鳩與春鳥變舊為新宜以養老助

生氣行謂賦賜

司弓矢中春獻弓弩

弓弩成於和

牧師中春通浮

中春陰陽交萬物生之時可以合馬之牝牡也月令季春乃合累牛騰馬遊北於牧秦時書也秦地寒涼萬物後動

夏官並

司烜氏中春以木鐸修火禁於國中

為季春將出火也火禁謂

用火之處及備風燥秋官以上中春

司燿季春出火民咸從之

火所以用陶冶

民隨國而為之鄭人鑄刑書火星未出而出火後有災鄭司農云以三月本時昏心星見於辰上使民出火夏官

季春此條

庖人夏行牯脯膳膏臊

鄭司農云牯乾雉鱗乾魚杜子春云膏臊天膏

獸人夏獻麋

麋膏散散則涼

凌人夏頒冰掌事

暑氣盛王以冰頒賜則主

為之春秋傳曰古者日在北陸而
藏冰西陸朝觀而出之

並天官

稻人凡稼澤夏以水

殄草而芟蕪之

殄病也絕也將以澤地為稼者必於夏六月之時大雨時行以水病絕草之後生者

至秋水涸芟之明年乃稼

地官

大宗伯以禴夏享先王

春官

校人夏

祭先牧頒馬攻特

先牧始養馬者其人未聞夏通淫之後攻其特為其蹄鬻不可乘用鄭司農云

攻特謂
騾之

圉師夏庠馬

庠廡也廡所以庇馬者也並夏官

大行人夏宗

以陳天下之謨

夏見諸侯則陳其謀之是非秋官以上夏

大司馬中夏教

芟舍

芟舍草止之也軍有草止之法

遂以苗田

夏田為苗擇取不孕任者若治苗去不秀實夏

官

馮相氏夏致日

夏至日在東井景尺五寸

大司樂函鍾為宮夏

日至於澤中之方丘奏之

詳見吉禮

凡以神士者以夏日至

致地示物魍

地物陰也陰氣升而祭地示物魍致物魍於壇壇蓋用祭地之明日百物之神曰魍並

春官

山虞中夏斬陰木

陰木生山北者地官

柞氏夏日至令刊

陽木而火之

生山南為陽木火之使其肄不生

雉氏夏日至而夷之

夷之

以鉤鎌迫地焚之也若今取焚矣秋官

宮正秋以木鐸修火禁

庖人秋行犢麋膳膏腥

膏腥雞膏也

獸人秋獻獸物 鼈人

秋獻龜魚

凌人秋刷

刷清也秋涼冰不用可以清除其室

掌皮掌秋斂

皮典婦功凡授嬪婦功及秋獻功辨其苦良比其小大

而賈之物書而揭之

授當為受聲之誤也國中嬪婦所作成即送之不須獻功時賈之者物不

正齊當以泉計通功鄭司農苦讀為監謂分別其縑帛與布紵之麗細皆比方其大小書其賈數而著其物若今時

題署物

州長秋以禮會民而射於州序

黨正秋祭

並天官

祭讀邦法

族師秋祭酺讀邦法

並地官

大宗伯以嘗秋

享先王

大胥秋頒學合聲

春使之學秋頒其才藝所為合聲亦等其曲折使應節奏

並春官

大司馬秋獻成

矢箠春作秋成

校人秋祭馬社臧僕

馬社始乘

馬者世本作曰相士作乘馬鄭司農云臧僕謂簡練馭者令皆善也玄謂僕馭五路之僕並夏官

雍氏

秋令塞阱杜獲

秋而杜塞阱獲收刈之時謂其陷害人也

雍氏秋繩而芟

之含實曰繩芟其繩則實不成熟

大行人秋覲以比邦國之功秋見諸侯

則比其功之高下

小行人令諸侯秋獻功

功考績之功也秋獻之若今計文書

斷於九月其舊法並秋官以上秋

司裘中秋獻良裘王乃行羽物

良善也中秋鳥獸毛毼因其良時而用之鄭司農云良裘王所服也行羽物以羽物飛鳥賜羣吏玄謂良裘玉藻所謂黼裘與此羽物小鳥鶉雀之屬鷹所擊者中秋鳩化為鷹中春鷹化為鳩順其始殺與其將止而大斑

羽物天官

籥章中秋夜迎寒亦如之

迎寒以夜求諸陰

馮相

氏秋致月

秋分日在角而月弦於牽牛並春官

大司馬中秋教治兵

遂以獮田

秋田為獮獮殺也

司弓矢中秋獻矢箛

矢箛成於堅並夏

官以
上中秋

司裘季秋獻功裘以待頒賜

功裘人功微麕謂狐青麕裘之

屬鄭司農云功裘卿大夫所服天官

司燿季秋內火民亦如之

鄭司農云

九月本黃昏心星伏在戌上使民內火夏官以上季秋

庖人冬行魚羽膳膏

羶

杜子春云鮮魚也羽鴈也膏羶羊脂也

獸人冬獻狼

狼膏聚聚則溫

掌皮

冬斂革

染人春暴練夏纁玄秋染夏冬獻功

注見名器篇

並天官

大宗伯以烝冬享先王

男巫冬堂贈無方無

算

冬歲終以禮送不祥及惡夢皆是也其行必由堂始巫與神通言當東則東當西則西可近則近可遠則

遠無常數並春官

校人冬祭馬步獻馬講馭夫

馬步神為災害馬者獻馬

見成馬於王也馭夫馭貳車從車使車者講猶簡習

圉師冬獻馬並夏官

大行

人冬遇以協諸侯之慮

冬見諸侯則合其慮之異同秋官以上冬

小司

冠孟冬祀司民獻民數於王王拜受之以圖國用而進

退之

司民星名謂軒轅角也小司冠於祀司民而獻民數於王重民也進退猶損益也國用民衆則益民

寡則損

司民以萬民之數詔司寇司寇及孟冬祀司民

之日獻其數於王王拜受之登於天府內史司會冢宰

貳之以贊王治

詳見政事上篇並秋官

篇章國祭蜡則歛函頌

擊土鼓以息老物

十二月建亥之月也求萬物而祭之者萬物助天成歲事至此為其老而

勞乃祀而老息之於是國亦養老焉月令孟冬勞農以休息之是也豳頌亦七月也七月又有穫稻作酒躋彼公堂稱彼兕觥萬壽無疆之事是亦歌其類也謂之頌者以其言歲終人功之成春官羅氏蜡

則作羅襦

詳見政事下篇夏官已上孟冬

大宰正月之吉始和布

治於邦國都鄙乃縣治象之法於象魏使萬民觀治象

挾日而斂之

正月周之正月吉謂朔日大宰以正月朔日布王治之事於天下至正歲又書而縣

於象魏振木鐸以徇之使萬民觀焉小宰亦帥其屬而往皆所以重治法新王事也凡治有故言始和者若改造云爾鄭司農云象魏闕也故魯災季桓子御公立於象魏之外命藏象魏曰舊章不可忘從甲至甲謂之挾

日凡十日天官

大司徒正月之吉始和布教於邦國都鄙

乃縣教象之法於象魏使萬民觀教象挾日而斂之

正月

之吉周正月朔日也司徒以布五教至正歲又書教法而縣焉

鄉大夫正月之吉受

教法於司徒退而頒之於其鄉吏使各以教其所治以

攷其德行察其道藝

其鄉吏州長以下

州長正月之吉各屬

其州之民而讀法以攷其德行道藝而勸之以糾其過

惡而戒之

屬猶合也聚也因聚衆而勸戒之者欲其善並地官

大司馬正月

之吉始和布政於邦國都鄙乃縣政象之法於象魏使

萬民觀政象挾日而斂之

以正月朔日布王政於天下至正歲又縣政法之書挾日

十日也
夏官

大司寇正月之吉始和布刑於邦國都鄙乃

縣刑象之法於象魏使萬民觀刑象挾日而斂之

正月朔日

布五刑於天下正歲又縣其書重之

布憲正月之吉執旌節以宣布於

四方而憲邦之刑禁以詰四方邦國及其都鄙達於四

海

詳見刑辟並秋官

大司馬中冬教大閱

大閱簡軍實

遂以狩田

冬田為狩言守取之無所擇也

夏官

馮相氏冬致日

冬至日在牽牛景丈三尺

大司樂圜鍾為宮冬至於地上之圜丘奏之

詳見吉禮

凡以神士者以冬至致天神人鬼

天人陽也陽氣升而祭鬼神致人鬼

於祖廟蓋用祭天之明日並春官

山虞中冬斬陽木

陽木生山南者地官

柞氏冬至令剥陰木而水之

生山北為陰木水之使其肆不生

雝

氏冬至而耜之

耜之以耜側凍土剡之並秋官以上中冬

凌人正歲

十有二月令斬冰三其凌

正歲季冬火星中大寒冰方盛之時春秋傳曰火星中而

寒暑退凌冰室也三之者為消釋度也

天官

天府季冬陳玉以貞來歲之

嫩惡

問事之正曰貞問歲之美惡謂問於龜大卜職大貞之屬陳玉陳禮神之玉凡卜筮實問於鬼神龜

筮能出其卦兆之占耳龜有天地四方則玉有六器者與言陳者既事藏之不必狸之也鄭司農云貞問也易

曰師貞丈人吉問於丈人國語曰貞於陽卜

占夢季冬聘王夢獻吉夢於

王王拜而受之乃舍萌於四方以贈惡夢

注見卜筮篇春官遂

令始難毆疫

令令方相氏也難謂難兵以有難卻也注詳見吉禮百神篇春官以上季冬

太宰歲終則令百官府各正其治受其會

正正處也會大計也

聽其致事而詔王廢置

平其事來至者之功狀而奏白王

小宰歲終

則令羣吏致事

使齊歲盡文書來至若今上計

宰夫歲終則令羣吏

正歲會

歲終自周季冬正猶定也

宮正歲終則會其行事

行事吏事也

宮伯歲終則均叙

膳夫歲終則會

其頒賜諸臣則計之

庖

人歲終則會

醫師歲終則稽其醫事以制其食

食祿也

酒正歲終則會以酒式誅賞

誅賞作酒之善惡者

大府歲終

則以貨賄之入出會之

外府歲終則會

職幣歲終

則會其出

司裘歲終則會

掌皮歲終則會其財齎

財斂財本數及餘見者齎所給予人以物曰齎
令時詔書或曰齎計吏鄭司農云齎或為資

內宰

歲終則會內人之稍食稽其功事

內人主謂九御

典絲歲終

則各以其物會之

種別為計鄭司農云各以其所飾之物計會傳著之

典枲歲

終則各以其物會之

並天官

大司徒歲終則令教官正

治而致事

歲終自周季冬也教官其屬六十
正治明處其文書致事上其計簿

小司徒

歲終則攷其屬官之治成而誅賞

治成治事之計

令羣吏正要

會而致事

鄉師歲終則攷六鄉之治以詔廢置

鄉

大夫歲終則令六鄉之吏皆會政致事

會計也致事言其歲盡文書

州長歲終則會其州之政令

黨正歲終則會其黨

政帥其吏而致事

族師歲終則會政致事

泉府歲

終則會其出入而納其餘

會計也納入也入餘於職幣

遂大夫令

為邑者歲終則會政致事

不言其遂之吏而言為邑者客公邑及公卿大夫王子弟

之采邑政令戒禁遂大夫亦施焉

鄙師歲終則會其鄙之政而致事

並地官

眡祲歲終則弊其事

弊斷也謂計其吉凶然否多少春官

小

司寇歲終則令羣士計獄弊訟登中於天府

上所斷獄訟之數

士師歲終則令正要會

定計簿官

以上歲終

太史閏月

詔王居門終月

門謂路寢門也鄭司農云月令十二月分在青陽明堂總章立堂左右之位唯

閏月無所居居於門故於文王在門謂之閏春官此條閏月

禮書綱目卷五十四

欽定四庫全書

禮書綱目卷五十五

婺源江永撰

月令

附呂氏春秋十二月紀淮南子時則訓通典唐月令

通禮四

補

鄭目錄云名曰月令者以其記十二月政之所行也本呂氏春秋十二月紀之首章也以禮家好事

抄合之後人因題之名曰禮記言周公所作其中官名時事多不合周法此於別錄屬明堂陰陽記

孟春之月日在營室昏參中旦尾中

孟長也日月之行一歲十二會聖王

因其會而分之以為大數焉觀斗所建命其四時此云孟春者日月會於娵訾而斗建寅之辰也凡記昏明中星者為人君南面而聽天下視時候以授人事淮南子時則訓篇無日在營室字有招搖指寅字唐本作

正月之節日在虛昏昴中
曉心中斗建寅位之初

其日甲乙

乙之言軋也日之行春東從青道發

生萬物月為之位時萬物皆解孚甲自抽軋而出因以
為日名焉乙不為月名者君統臣功也 淮此上有其

位東方下有**其帝大皞其神句芒**

此蒼精之君木官之
盛德在木字 臣自古以來著德立

功者也大皞密戲氏句芒少皞氏
之子曰重為木官 淮無此二句

其蟲鱗

象物孚甲將
解鱗龍蛇之

屬**其音角**

謂樂器之聲也三分羽益一以生角角數六
十四屬木者以其清濁中民象也春氣和則

角聲調樂記曰角亂則憂其民怨凡聲尊卑取象
五行數多者濁數少者清大不過宮細不過羽

律中

大簇

律候氣之管以銅為之中猶應也孟春氣至則大
簇之律應應謂吹灰也大簇者林鍾之所生三分益

一律長八寸凡律空圍九分周**其數八**數者五行佐天
語曰大簇所以金奏贊陽出滯 地生物成物之

次也易曰天一地二天三地四天五地六天七地八天九地十而五行自水始火次之木次之金次之土為後木生數三成數八但言八者舉其成其味酸其臭羶

唐此下有其性仁其事貌字

其味酸其臭羶

味臭也凡酸

其祀戶祭先脾

春陽氣出祀之於戶內陽祀之先祭脾者春為陽

中於藏直脾脾為尊凡祭五祀於廟用特牲有主有尸皆先設席於奧祀戶之禮南面設主於戶內之西乃制脾及腎為俎奠於主北又設盛於俎西祭黍稷祭肉祭醴皆三祭肉脾一腎再既祭徹之更陳鼎俎設饌於筵前迎尸略如祭宗廟之儀
東風解凍蟄蟲始振魚上冰獺祭魚鴻鴈

來

皆記時候也振動也夏小正正月啓蟄魚陟負冰漢始亦以驚蟄為正月中此時魚肥美獺將食之先以

祭也鴈自南方來將北反其居今月令鴻皆為候呂氏春秋及淮鴻鴈來皆作候鴈北淮振下有蘇字上

下有負字 唐云立春之日東風解凍後五日蟄蟲始振後五日魚上冰仍以獺祭魚鴻鴈來兩句入後章

天子居青陽左个乘鸞路駕倉龍載青旂衣青衣服倉

玉食麥與羊其器疏以達

皆所以順時氣也青陽左个大寢東堂北偏鸞路有虞氏

之車有鸞和之節而飾之以青取其名耳春言鸞冬夏言色五丈馬八尺以上為龍凡所服玉謂冠飾及所佩者之衡璜也麥實有孚甲屬木羊火畜也時尚寒食之以安性也器疏者刻鏤之象物當貫土而出也凡此車馬衣服皆所取於殷時而有變焉非周制也周禮朝祀戎獵車服各以其事不以四時為異又玉藻曰天子龍袞以祭玄端而朝日皮弁以日視朝與此皆殊 呂路作輅倉龍作蒼龍倉玉作青玉 淮此一節作天子衣青衣乘蒼龍服蒼玉建青旗食麥與羊服八風水纍柘燧火東宮御女青色衣青衣鼓琴瑟其兵矛其畜羊朝

於青陽左个以出春令命相布德施惠行慶是月也以
賞省徭賦 唐鸞作青路作輅倉並作蒼

立春先立春三日太史謂之天子曰某日立春盛德在

木天子乃齊

太史禮官之屬掌正歲年以序事謂告也 呂唐齊皆作齊 淮無是月至此一節

唐無是月也以立春字太史立春之日天子親帥三

公九卿諸侯大夫以迎春於東郊還反賞公卿諸侯大

夫於朝

迎春祭倉帝靈威仰於東郊之兆也王居明堂 禮曰出十五里迎歲蓋殷禮也周近郊五十里

賞謂有功德者有以顯賜之也朝大寢門外 呂淮唐 帥皆作率唐無三九字呂淮並無諸侯字淮迎春作迎

歲子作於無還反至於命相布德和令行慶施惠下及

兆民

相謂三公相王之事也德謂善教也令謂時禁也
慶謂休其善也惠謂恤其不足也天子曰兆民

唐民作人
篇內並同

慶賜遂行毋有不當

遂猶達也言使當得者
皆得得者無非其人

呂唐毋皆作無篇內並同
淮以命相至此一節屬上文

乃命太史守典奉法司天

日月星辰之行宿離不貸毋失經紀以初為常

典六典
法八法

也離讀如儼偶之儼宿儼謂其屬馮相氏保章氏掌天
丈者相與宿偶當審候伺不得過差也經紀謂天文進

退度數

呂貨作忒

淮無乃命至此一節

唐云命

太史司天歷候無之行字為常下又有是月也命有司

祭風師是月也命有司釁龜筮占兆審卦吉凶

下又

別分一章云正月中氣日在危昏畢中曉尾中斗建寅

位之中雨水之日獺祭魚後五日鴻鴈來後五日草木
萌動天子乃命有司布農事舍東郊修封疆端徑術善

相丘陵阪險原隰土地所宜五穀所殖以教導是月也

天子乃以元日祈穀於上帝

謂以上辛郊祭天也春秋傳曰夫郊祀后稷以祈農

事是故啟蟄而郊郊而後耕上帝大微之帝也唐無是月也字

乃擇元辰天子親載

耒耜措之于參保介之御間帥三公九卿諸侯大夫躬

耕帝籍天子三推三公五推卿諸侯九推

元辰蓋郊後吉辰也耒耜

之上曲也保介車右也置耒耜於車右與御者之間明已勸農非農者也人君之車必使勇士衣甲居右而參

乘備非常也保猶衣也介甲也帝籍為天神借民力所治之田也呂于參作參於帥作率帝籍作籍田侯下

有大夫字唐措作置無于參保介之御間字有車右字無三九字帥及帝籍同呂本

反執爵於

大寢三公九卿諸侯大夫皆御命曰勞酒

既耕而宴飲以勞羣臣也

大寢路寢御侍也此一節唐反作還

呂無大夫皆字還執爵作讌飲于作於無三九字

是

月也天氣下降地氣上騰天地和同

唐無此一節

草木萌動

此陽氣蒸達可耕之候也農書曰土長冒橛陳根可拔耕者急發

呂萌作繁

王命布農事命

田舍東郊皆修封疆審端徑術

田謂田畯主農之官也舍東郊順時氣則居以

命其事也封疆田首之分職術周禮作遂遂上有徑遂小溝也步道曰徑今尚書曰分命羲仲宅嵎夷也呂

王下無命字

善相丘陵阪險原隰土地所宜五穀所殖以教

道民必躬親之

也相視

田事既飭先定準直農乃不惑

所說

以命田舍東郊之意也準直謂封疆徑遂也夏小正
曰農率均田淮無是月至此一節唐屬上文是

月也命樂正入學習舞此為仲春將釋菜唐無入學字乃修祭

典重祭禮歲始省錄也命祀山林川澤犧牲毋用牝為傷

牲之類淮作幣禱鬼神犧牲用禁止伐木盛德所在

字毋覆巢毋殺孩蟲胎夭飛鳥毋麇毋卵為傷萌幼之

無母字及孩蟲飛鳥字唐無母覆至飛鳥字毋聚大衆毋置城郭為妨農之

大字及掩骼埋胔為死氣逆生也骨枯曰骼肉腐曰是

月也不可以稱兵稱兵必天殃逆生氣呂唐兵戎不

起不可從我始

為客不利主人則可

毋變天之道

以陰

陽毋絕地之理

易剛柔之宜

毋亂人之紀

仁之時而舉義事

節孟春行夏令則雨水不時

已之氣乘之也

四月於消

風草木蚤落

生曰促

呂淮唐蚤竝作

國時有恐

以火

驚

呂淮

行秋令則其民大疫

申之氣

乘之也七月

疫

風暴雨摠至

正月

宿值尾箕箕好風其氣逆也

呂淮唐

疾摠作數淮唐

飄風為

總摠作

藜莠蓬蒿竝興

生氣亂

行冬令則水潦為敗雪霜

惡物茂

大摠首種不入

亥之氣乘之也舊說首種謂稷

淮雪

作雨摠作電種作稼句下有正月官司

空其樹楊

仲春之月日在奎昏弧中旦建星中

仲中也仲春者日月

會於降婁而斗建卯之辰也弧在輿鬼南建星在斗上
呂弧作孤淮無日在奎字有招搖指卯字唐作

二月之節日在營室昏東井律中夾鍾夾鍾者夷則之

中曉箕中斗建卯位之初律中夾鍾所生三分益一

律長七寸二千一百八十七分寸之千七十五仲春氣
至則夾鍾之律應周語曰夾鍾出四隙之細諸本上

下竝與孟春文同今始雨水桃始華倉庚鳴鷹化為鳩
從唐本刪後放此

皆記時候也倉庚黃鸝也鳩布穀也漢始以雨水為二
月節呂始作李淮作桃李始華唐無始雨水字作

驚蟄之日桃始華後五日天子居青陽大廟青陽太廟
倉庚鳴後五日鷹化為鳩東堂當大

室淮居是月也安萌芽養幼少存諸孤助生氣也
作朝於淮居是月也安萌芽養幼少存諸孤淮以此一節

屬下擇元日命民社

社后土也使民祀社日用甲

祀焉神其農業也准唐皆以此屬下

文命有司省囹圄去桎梏毋肆掠止獄訟

順陽寬也省減也囹圄所

以禁守繫者若今別獄矣桎梏今械也在手曰桎在足曰桎肆謂死刑暴尸也周禮曰肆之三日掠謂桎治人

淮肆作笞下有養幼小存孤獨是月也

唐此下有命樂正習舞上

以通句萌擇元日令民社十六字丁釋奠於國學天子乃率公卿諸侯親往視之命有司

上戊釋奠於太公廟是月也擇元日命人社又分此下別為一章云二月中氣日在奎昏東井中曉南斗中斗

建卯位之中春分之日立鳥至後五日雷乃發聲後五日始電是月也祀朝日於東郊天子獻羔開冰

先薦寢廟是月也日夜分則同度量平權衡玄鳥至

至之日以大牢祠於高禘天子親往

玄鳥燕也燕以施生時來巢人堂宇

而孚乳嫁娶之象也媒氏之官以為候高辛氏之世立鳥遺卵娥簡吞之而生契後王以為媒官嘉祥而立其

祠焉

變媒言禰神之也

唐此上別有是月也字無下至字

呂祠作祀后妃帥九嬪御謂

從往侍祠周禮天子有夫人有嬪有世婦有女御獨云九嬪舉中言也

呂唐帥作率

乃禮天子

所御帶以弓韞授以弓矢於高禰之前

有天子所御謂今

祝酌酒飲於高禰之庭以神惠顯之也帶以弓韞授以弓矢求男之祥也王居明堂禮曰帶以弓韞禮之禰下

其子必得天材淮無是月也至此節唐此下有是月也命有司祭馬祖九字

是月也日夜

分雷乃發聲始電蟄蟲咸動啓户始出

又記時候發猶出也呂啓作

開淮乃作始無始電字動下有蘇字無啓户始出字唐以此一節屬上文無蟄蟲以下八字

先雷

三日奮木鐸以命兆民曰雷將發聲有不戒其容止者

生子不備必有凶災

主戒婦人有娠者也容止猶動靜呂淮竝無木字將竝作且呂命

下有於字淮奮作振命下有於字唐無此一節

日夜分則同度量鈞衡石角

斗甬正權概

因晝夜等而平當平也同角正皆謂平之也丈尺曰度斗斛曰量三十斤曰鈞稱上

曰衡百二十斤曰石甬今斛也稱鍾曰權概平斗斛者呂甬作桶淮無日夜分則字有令官市字甬作稱

正作端唐此一節屬上文

是月也耕者少舍乃修闔扇寢廟畢備

舍猶止也因蟄蟲啓戶耕事少閒而治門戶也用木曰闔用竹葦曰扇畢猶皆也凡廟前曰廟後曰寢淮無

此一節毋作大事以妨農之事

大事兵役之屬呂淮唐竝無之字呂淮事作功

淮以此句屬下文

是月也毋竭川澤毋漉陂池毋焚山林

順陽養物

也畜水曰陂穿地通水曰池

淮無是月也字有毋作大事以妨農功八字

天子乃鮮羔開

冰先薦寢廟

鮮當為獻聲之誤也獻羔謂祭司寒也祭司寒而出冰薦於宗廟乃後賦之春秋傳

曰古者日在北陸而藏冰西陸朝覲而出之其藏冰也深山窮谷固陰沍寒於是乎取之其出之也朝之祿位

賓食喪祭於是乎用之其藏之也黑牡秬黍以享司寒其出之也桃弧棘矢以除其災其出入也時食肉之祿

冰皆與焉大夫命婦喪浴用冰祭寒而藏之獻羔而啓之公始用之火出而畢賦自命夫命婦至於老疾無不

受冰

呂鮮作獻

唐屬上文

上丁命樂正習舞釋菜

樂正樂官之長

也命習舞者順萬物始出地鼓舞也將舞必釋菜於先師以禮之夏小正曰丁亥萬舞入學

天子乃

帥三公九卿諸侯大夫親往視之

順時達物也

仲丁又命樂

正入學習樂

為季春將合樂也習樂者習歌與八音呂習作入釋作舍帥作率無大夫字仲作

中淮無上丁以下至此一節唐入前章

是月也祀不用犧牲用圭璧更

皮幣

為季春將選而合騰之也更猶易也當祀者告以玉帛而已

仲春行秋令則其

國大水寒氣摠至

酉之氣乘之也昂畢好雨

八月宿直淮摠作總

寇戎來征

金氣動也畢又為邊兵

行冬令則陽氣不勝麥乃不孰

子之氣乘之也十一

月為大陰諸本孰皆作熟篇內皆同

民多相掠

陰姦眾也淮掠作殘

行夏令則

國乃大旱煖氣早來

午之氣乘之也煖作煥淮國乃作其國

呂淮

蟲螟為害

暑氣所生為災害也
此下有二月官倉其樹杏

季春之月日在胃昏七星

中旦牽牛中

季少也季春者日月會於大梁而斗建辰之辰淮無日在胃字有招搖指辰字

唐作三月之節日在婁昏柳中曉南斗中斗建辰位之初

律中姑洗

姑洗者南呂之所生也三分益

一律長七寸九分才之一季春氣至則姑洗之律應國語曰姑洗所以修潔百物考神納賓

諸姑洗之本見仲春章

桐始華田鼠化為駕虹始見萍始生

皆記時候也駕鶴母蟬謂之虹萍

萍也其大者曰蘋桐始華後五日田鼠化為駕後五日虹始見又分萍始

呂淮唐萍作萍五日虹始見又分萍始

唐云清明之日

生入天子居青陽右个

青陽右个東堂南偏諸本見仲春章

是月也天

子乃薦鞠衣於先帝

為將蠶求福祥之助鞠衣黃桑之服先帝太皞之屬呂無乃字淮

無此節命舟牧覆舟五覆五反乃告舟備具於天子焉

舟牧主舟之官

也覆反舟者備傾側也唐舟牧作有司淮告作言

呂淮皆無命字無舟備焉字

天子始乘舟

薦鮪于寢廟

進時美物下有乃字于

淮子作於

乃為麥祈實

於含秀求其成也不

言所祈承寢廟可知唐無此句

是月也生氣方盛陽氣發泄句者畢

出萌者盡達不可以內

時可宣出不可收斂也句屈生者芒而直曰萌呂句作芽

天子布德行惠命有司發倉廩賜貧窮振乏絕

振猶救也淮

無布德行惠字倉作困廩作倉賜作助呂倉作節

開府庫出幣帛周天下勉諸

侯聘名士禮賢者

周謂給不足也勉猶勸也聘問也名士不仕者

淮無周天下字勉作使

唐分此下別為一章云三月中氣日在胃昏張中曉
南斗中斗建辰位之中穀雨之日萍始生後五日鳴鳩
拂其羽後五日
戴勝降于桑 是月也命司空曰時雨將降下水上騰

循行國邑周視原野修利隄防道達溝瀆開通道路毋

有障塞

廣平曰原國也邑也平野也溝瀆與道路皆不
得不通所以除水潦便民事也古者溝上有路

淮無是月也字道達作導通開通道路作達路除道
無毋有障塞字有從國始至境止字 唐命司空作天

子命有司 田獵置罟羅罔畢翳餽獸之藥毋出九門為

獸方孚乳傷之逆天時也獸罟曰置罟鳥罟曰羅罔小
而柄長謂之畢翳射者所以自隱也凡諸罟及毒藥禁
其出九門明其常有時不得用耳天子九門者路門也
應門也雉門也庫門也臯門也城門也近郊門也遠郊

門也闕門也今月令無罽翳為弋呂罔作網呂淮獵下有罽弋字無罽翳字呂唐九竝作國淮罔作罽獸作

毒是月也命野虞毋伐桑柘愛蠶食也野虞謂主田及山林之官淮無是月也

字命作乃禁唐野虞作有司鳴鳩拂其羽戴勝降于桑蠶將生之候也鳴鳩飛且

翼相擊趨農急也戴勝織紵之鳥是時常在桑言降者若時始自天來重之也淮拂作奮勝作鶯唐屬上

丈具曲植籩筐時所以養蠶器也曲薄也植槌也呂曲植籩作狹曲蒙淮作撲曲筥唐作乃

修蠶器后妃齊戒親東鄉躬桑禁婦女毋觀省婦使以勸

蠶事后妃親採桑示帥先天下也東鄉者鄉時氣也是明其不常留養蠶也留養者所卜夫人與世婦婦

謂世婦及諸臣之妻也內宰職曰仲春詔后帥外內命婦治蠶於北郊女外內女子也夏小正曰妾子治蠶執

養宮事母觀去容飾也婦使縫線組紉之事呂勸作

力淮無親字躬作親無禁婦女母觀字無以字唐

親東鄉躬桑作享先蠶而躬蠶事既登分繭稱絲効功

桑無禁婦女母觀省婦使字功登成也救往蠶者蠶畢將課

以共郊廟之服無有敢惰功以勸戒之呂惰作墮

淮無此一節是月也命工師令百工審五庫之量金鐵皮革

筋角齒羽箭幹脂膠丹漆毋或不良工師司空之屬官也五庫藏此諸物

之舍也量謂物善惡之舊法也幹器之木也凡縣幹有當用脂良善也呂淮或並作有淮無是月也字命

工師至之量作命五庫百工咸理監工日號毋悖於時

毋或作為淫巧以蕩上心咸皆也於百工皆理治其事之時工師則監之日號令之

禮書綱目

十二

戒之以此二事也悖猶逆也百工作器物各有時逆之則不善時者若弓人春液角夏治筋秋合三材冬定體之屬也淫巧謂偽飾不如法也蕩謂動之使生奢泰也今月令無于時作為為詐偽呂為作偽呂唐于作於唐無或

是月之末擇吉日大合樂天子乃率三公九卿

諸侯大夫親往視之

大合樂者所以助陽達物風化天下也其禮亡今天子以大射郡國

以鄉射禮代之

淮無是月之末字唐之末作也淮擇下有下旬字樂下有致歡欣字無天子以下十六字

唐屬

下文是月也乃合累牛騰馬遊牝於牧

累騰皆乘匹之下名是月所合牛

馬謂繫

在廐者其牝欲遊則就牧之牡而犧牲馬犢舉合之呂累作累淮無是月也累作標

書其數

以在牧而校數書之明出時無他故至秋當錄內且以知其息之多少也淮無此八字唐

此下云是月也擇吉日大合樂天命國難九門磔攘以

畢春氣

此難難陰氣也陰寒至此不止害將及人所以

陵積尸之氣氣伏則厲鬼隨而出行命方相氏帥百隸

索室毆疫以逐之又磔牲以攘於四方之神所以畢止

其災也王居明堂禮曰季春出疫于郊以攘春氣呂

無命字國下有人字此下有行之是令甘雨至三旬

呂淮唐難並作儻淮命作令此下有行是季春行冬

月令甘雨至三旬唐命上有是月也字

令則寒氣時發草木皆肅肅謂枝葉縮栗國有大恐水

訛相驚行夏令則民多疾疫時雨不降未之氣乘之也六

尸時又山陵不收高者曠於熱也行秋令則天多沈陰

有暑也淮收作登

禮書綱目

十三

淫雨蚤降

戌之氣乘之也九月多陰淫霖也雨三日以上為霖今月令曰衆雨

兵革竝起

陰氣勝也

淮此下

孟夏之月日在畢昏翼中旦婺

女中

孟夏者日月會於實沈而斗建巳之辰

呂作旦

湏女中

淮無日在畢字有招搖指巳字

唐作

四月之節日在昴昏翼中

其日丙丁

丙之言炳也日之行夏南從赤道長

育萬物月為之佐時萬物皆炳然著見而強大又因為日名焉易曰齊乎巽相見乎離

淮此上有其位南

方字下有盛德在

其帝炎帝其神祝融

此亦精之君火官之臣自古以

來著德立功者也炎帝大庭氏也祝融

顯

其蟲羽

象物從風

鼓葉飛鳥之屬

其音徵

三分宮去一以生徵徵數五十四屬火者以其徵清事之象也夏氣和則徵聲

調樂記曰微亂則哀其事勤

律中中呂

孟夏氣至則中呂之律應中呂者無射之所生三分益一

律長六寸萬九千六百八十三分寸之萬二千九百七十四周語曰中呂宣中氣諸本中皆作仲其數

七成數

唐此下有其性禮其事視

其味苦其臭焦

火之臭味也凡苦焦者皆屬焉

其祀竈祭先肺

夏陽氣盛熱於外祀之於竈從熱類也祀之先

祭肺者陽位在上肺亦在上肺為尊也竈在廟門外之東祀竈之禮先席於門之與東西設主於竈內乃制肺

及心肝為俎奠于主西又設盛於俎南亦祭黍三祭肺心肝各一祭醴三亦既祭徹之更陳鼎俎設饌於筵前

迎尸如祀戶之禮

螻蛄鳴蚯蚓出王瓜生苦菜秀

皆記時候也螻蛄蛙也王

瓜草挈也今月令云王荳生夏小正云王荳秀未聞孰是呂瓜作善

淮蚓作蟪

唐云立夏之日螻蛄鳴

後五日丘蚓出後五日王天子居明堂左个乘朱路駕

赤駟載赤旂衣朱衣服赤玉食菽與雞其器高以粗明

左个大寢南堂東偏也菽實孚甲堅合屬水雞木畜時

熱食之亦以安性也粗猶大也器高大者象物盛長

呂唐路作輅淮此一節作天子衣赤衣乘赤駟服赤

王建赤旗食菽與雞服八風水爨柘燧火南宮御女赤

色衣赤采吹竽笙其兵戟其畜雞朝是月也以立夏先

於明堂左个以立夏令唐雞作雉

立夏三日大史謁之天子曰某日立夏盛德在火天子

乃齊謁告也淮無是月也至此一節唐無是月立

也以立夏六字太史下云以先立夏三日謁於

夏之日天子親帥三公九卿大夫以迎夏於南郊還反

行賞封諸侯慶賜遂行無不欣說

迎夏祭赤帝赤燁怒於南郊之兆也不言

帥諸侯而云封諸侯諸侯時或無在京師者空其文也祭統曰古者於禘也發爵賜服順陽義也於嘗也出田

邑發秋政順陰義也今此行賞可也而封諸侯則違於古封諸侯出土地之事於時未可似失之諸本帥竝

作率反竝作乃呂無行及諸字唐無三九字賞下無封賞作賞賜無慶賜以下八字

字有公卿字侯下有乃命樂師習合禮樂為將飲耐淮

有大夫於朝字乃命樂師習合禮樂作修禮樂饗左

右唐以此命太尉贊桀俊遂賢良舉長大助長氣也贊猶出也

桀俊能者也遂猶進也三王之官有司馬無大尉秦官則有大尉今俗人皆云周公作月令未通於古呂尉

作封淮遂作選長大作孝弟唐大尉作相桀作傑朱子曰後章養壯俊字當屬此長大之下蓋簡錯也

行爵出祿必當其位

使順之也長養

唐此下有是月也命樂正

習盛樂大雩帝命有司禱祀山川百辟卿士有益於人者以祈穀實是月也命有司祀雨師又別分一章云四

月中氣日在畢昏軫中曉須女中斗建巳位之中小滿之日苦菜秀後五日靡草死後五日小暑至挺重囚出

輕是月也繼長增高

謂草木盛蕃廡無是月也長作修

淮毋有壞墮亦

逆時氣淮墮作隳

呂毋起土功毋發大衆

為妨蠶農之事起作興無毋發大衆

字毋伐大樹亦為逆

是月也天子始絺

初服暑服唐

作天子初

命野虞出行田原為天子勞農勸民毋或失

時重救之

呂無為天子字淮唐同淮命作令無出唐野虞出

字勞農勸民作勸農事無毋或失時字唐野虞出

作有司巡勸
民作勉人
命司徒巡行縣鄙命農勉作毋休於都趨

於農也縣鄙鄉遂之屬主民者也王居明堂禮曰毋宿
於國今月令休為伏呂巡作循淮唐竝無此一節

是月也驅獸毋害五穀
淮無是月也字獸下有
畜字毋害亦作勿令害
毋大田

獵為傷蕃廡之氣
淮無此句
農乃登麥天子乃以飡嘗麥先薦寢

廟登進也麥之新氣尤盛以飡食之散其熱也
呂登作升淮無農乃登麥一句無乃字
唐嘗

麥下有羞
以含桃字
是月也聚畜百藥
淮無是月也字
呂畜

唐以屬
下章
靡草死麥秋至斷薄刑決小罪
舊說云靡草薺
莖之屬祭統

曰草艾則墨謂立秋後也刑無輕於墨者今以純陽之
月斷刑決罪與母有壞墮自相違似非
呂靡作康無

決小罪一句

淮無斷薄刑

出輕繫崇寬

呂淮竝無

決小罪二句
蠶事畢后妃獻繭乃收繭稅以桑為均貴賤長幼如

一以給郊廟之服

后妃獻繭者內命婦獻繭於后妃收繭稅者收於外命婦外命婦雖就公

桑蠶室而蠶其夫亦當有祭服以助祭收以近郊之稅耳貴賤長幼如一國服同呂無蠶事畢字長幼作少

長之下有祭字
節唐作是月也蠶事既登是月也天子飲酎用禮樂

酎之言醇也謂重釀之酒也春酒至此始成與羣臣以禮樂飲之於朝正尊卑也孟冬云大飲烝此言用禮樂

互其文
令甘雨至三旬字
呂無用禮樂字有行之是孟夏行秋令則苦

雨數來五穀不滋
申之氣乘之也苦雨白露之類時物得雨傷四鄙入保金

為害也鄙界上邑小行冬令則草木蚤枯長日後乃大

水敗其城郭亥之氣乘之也行春令則蝗蟲為災暴風

來格寅之氣乘之也必以蝗蟲為災者寅有啓蟄之氣

敗秀草不實氣更生之不得成也仲夏之月日

在東井昏亢中旦危中仲夏者日月會於鶉首而斗建

有招搖指午字唐作五月之節日律中蕤賓蕤賓者

在參昏角中曉危中斗建午位之初律中蕤賓應鍾之

所生三分益一律長六寸八十一分寸之二十六仲夏

氣至則蕤賓之律應周語曰蕤賓所以安靜神人獻酬

交錯諸本上下與小暑至唐已見螳螂生鵙始鳴反

孟夏同今從唐本上章

舌無聲

皆記時候也螳螂蝶蛸母也鵙伯勞也反舌百舌鳥唐作芒種之日螳螂生後五日鵙始鳴

後五日反舌無聲

天子居明堂大廟

明堂大廟南堂當大室也諸本下與孟夏文同今

從唐本刪

養壯佼

助長氣也朱子曰此句當屬上章舉長大之下

是月也命樂師

修鞀鞀鼓均琴瑟管簫執干戚戈羽調竽笙箎簧飭鐘

磬祝敔

為將大雩帝習樂也修均執調飭者治其器物習其事之言呂箎簧作塤箎呂淮無是月

也及鼓字鞀字作鞀無均字執干戚戈羽在鐘磬下無笙簧字箎作箎無祝敔字唐無此一節

命有

司為民祈祀山川百源大雩帝用盛樂乃命百縣雩祀

百辟卿士有益於民者以祈穀實

陽氣盛而常旱山川百源能興雲雨者也

衆水始所出為百源必先祭其本乃雩雩吁嗟求雨之祭也雩帝謂為壇南郊之旁雩五精之帝配以先帝也

自鞞鞞至机敵皆作曰盛樂凡他雩用歌舞而已百辟卿士古者上公若句龍后稷之類也春秋傳曰龍見而

雩雩之正當以四月凡周之秋三月之中而旱亦修雩禮以求雨因著正雩此月失之矣天子雩上帝諸侯以

下雩上公周冬及春夏雖旱禮有禱無雩呂雩源作原呂縣雩下有祭字淮無乃命百縣以下唐已見

上章農乃登黍登進也淮是月也天子乃以雛嘗黍羞

以含桃先薦寢廟此嘗雛也而云嘗黍不以牲主穀也必以黍者黍火穀氣之主也含桃櫻

桃也呂雛作雞唐無此一節令民毋艾藍以染為傷長月也雛作雉唐無此一節

月藍始可別夏小正曰五母燒灰為傷火氣也火之氣月啓灌藍蓼淮令作禁母燒灰於是為盛火之滅者

為灰呂 母暴布不以陰功于大陽之 門閭母閉關市

灰作炭

母索順陽敷縱

挺重囚益其食

挺猶寬也 淮此下有存孤寡振死事六字

唐門上有是月也字又以挺重囚入上章而無益其食三字

游牝別羣

孕妊之則繫欲止也

騰駒

為其北氣有餘相蹄齧也 呂淮無則字繫作執

班馬政

馬政謂養馬之政教也廐人職

曰掌十有二閑之政教以阜馬佚特教馳駒此之謂也 呂政作正 唐此下云是月也聚蓄百藥又別分

一章云五月中氣日在東井昏亢中曉營室中斗建午位之中夏至之日鹿角解後五日蜩始鳴後五日半夏

生是月也祀皇地祇於方丘

是月也日長至陰陽爭死生分

方盛陰

欲起也分猶半也 呂日長至作長 至日 淮無是月也字長作短

君子齊戒處必掩身

毋躁

掩猶隱翳也

呂身下有欲靜字

也今月令毋躁為欲靜止聲

色毋或進

進猶御見也聲謂樂也易樂及春秋說夏至人主與羣臣從八能之士作樂五日今止之

非其道也

淮止作節無母或進字

朱子曰止聲色

蓋亦處必掩

身毋躁之義若以止樂言則拘矣月令之

說固多有未安而此難以薄滋味毋致和為其氣異此

為非也注文蓋失其指矣

薄滋味毋致和

為其氣異此

無此

節者欲定心氣

微陰扶精不可散也

呂節作退

百官靜事毋刑

罪罰之事不可以聞今月

以定晏陰之

所成

晏安也

鹿角解蟬始鳴半夏生木堇榮

又記時候也半夏藥

草木堇王蒸也

唐上三句已見上文而無

是月也毋

用火南方

陽氣盛陰也

又用火於其方害微淮作禁民無發火

可以居高明可

以遠眺望可以升山陵可以處臺榭

順陽在上也高明謂樓觀也闔者謂

之臺有木者謂之榭無下三可以字升作登淮

仲夏行冬令則電凍傷穀之

氣乘之也陽為雨陰起脅之凝為電呂淮凍作霰

道路不通暴兵來至

盜賊攻劫亦電

之行春令則五穀晚孰

卯之氣乘之也生類日長淮晚作不

百騰時起其

國乃饑

螳蝗之屬言百者明衆類並為害唐饑作虛

行秋令則草木零落

酉之

氣乘之也八月宿值昂畢為天獄主殺

果實早成

生日短淮早作蚤

民殃於疫

之氣來為害也淮此下有五月官相其樹榆

季夏之月日在柳昏火中旦

奎中

季夏者日月會於鶉火而斗建未之辰也

淮無

作六月之節日在東井昏氐中曉東壁中斗建未位之初

律中林鐘

林鐘者黃鐘之所生三分去一

律長六寸季夏氣至則林鐘之律應周語曰林鐘和展百物俾莫不任肅純恪

淮林作百高誘云百鐘者林鐘也諸本見仲夏章但淮云其位中央其日戊巳盛德在土其蟲羸其音宮律中百鐘其數五其味甘其臭香

其祀中雷

溫風始至蟋蟀居壁鷹乃學習腐草為螢

記

時候也鷹學習謂攬搏也夏小正曰六月鷹始鷺螢飛蟲熒火也

呂壁作字螢下有蜎字呂淮草下有化字

淮字作與螢作熒

唐云小暑之日溫風至後五日蟋蟀居壁後五日鷹乃學習而以腐草為螢入下章

子居明堂右个

明堂右个南堂西偏也諸本見仲夏章但淮云天子衣純黃乘黃駟服黃玉

建黃旗食稷與牛服八風水爨柘燧火中宮命漁師伐御女黃色衣黃采其兵劍其畜牛朝于中宮

蛟取鼉登龜取鼃

四者甲類秋乃堅成周禮曰秋獻龜魚又曰凡取龜用秋時是夏之秋也

作月令者以為此秋據周之時也周之八月夏之六月因書於此似誤也蛟言伐者以其有兵衛也龜言登者

尊之也鼃言取羞物賤也鼃皮又可以冒鼓今月令漁師為撈人呂命上有是月也字命作令無登龜字

淮師作人命澤人納材葦

蒲葦之屬此時柔又可取作器物也呂命上

唐屬後九月章有乃字澤作虞納作入淮命作令澤作滂唐無此一節

是月也命四監大合百

縣之秩芻以養犧牲令民無不咸出其力

四監主山林川澤之官百

縣鄉遂之屬地有山林川澤者也秩常也百縣給國養犧牲之芻多少有常民皆當出力為艾之今月令四為

田呂淮命作令大下有以共皇天上帝名山大川四

方之神以祠宗廟社稷之靈以為民祈福牲以供祠神

明使民艾芻是不虛取皇天北辰耀魄寶冬至所祭於

圓丘也上帝大徵五帝呂淮共作供淮無以祠之靈

以字福下有行惠令弔死問疾存視長老行稊鬻厚席

是月也命婦官染采黼黻文章必以法故無或差貸婦官

染人也采五色呂無染字貸作忒淮無是月黑黃

也及必以以下八字唐婦官作有司采作絲倉赤莫不質良無敢詐偽得真正也良善也所用染者當

詐偽作偽詐呂唐倉竝作蒼淮黑作以給郊廟祭祀之

青倉作白赤作黑無無敢詐偽字

禮書綱目

二十一

服以為旗章以別貴賤等給之度

旗章旌旗及章識也呂唐給作級淮

郊作宗無祭祀及以為旗章以下十二字而服下有必宣以明字唐此下別分一章云六月中氣日在柳昏

尾中曉奎中斗建未位之中大暑之日腐草為螢後五日土潤溽暑後五日大雨時行是月也樹

木方盛乃命虞人入山行木毋有斬伐

為其未堅級也呂命作令有

作或淮無乃命至行木八字毋有作勿敢唐虞人作有司

不可以興土功不可以

合諸侯不可以起兵動衆

土將用事氣欲靜功字侯下有起土

功字無不可以字起兵動衆作動衆興兵唐自是月也樹木至此屬下文

毋舉大事以搖

養氣

大事興繇役以有為呂養作蕩下有於字

毋發令而待以妨神農之

事也

發令而待謂出繇役之令以預驚民也民驚則心動是害土神之氣土神稱曰神農者以其主於稼

穡

呂待作干下

水潦盛昌神農將持功舉大事則有

天殃

言土以受天雨澤安靜養物為功動之則致害也孝經說曰地順受澤謙虛開張含泉任萌滋物歸

中

呂無昌字下有命字持作循淮無母舉大事至舉大事一節則作必唐與淮同并無則有天殃四字

是月也土潤辱暑

潤辱謂涂濕也字餘已見上文

淮唐無是月也諸本辱作溽大

雨時行

唐已見上文

燒薙行水利以殺草如以熱湯

薙謂刈地芟草

也此謂欲稼菜地先薙其草草乾燒之至此月大雨流水潦畜於其中則草死不復生而地美可稼也薙人掌殺草職曰夏日至而薙之又曰如欲其化也則以水火變之淮無燒薙行水如以熱湯字唐燒上有乃字

無如以可以糞田疇可以美土疆土潤辱膏澤易行也糞美互文耳土疆強

槩之地淮無兩可以字美作肥呂此下有行之是令是月甘雨三至三旬二日唐此下有是月也樹木

方盛乃命有司入山行水無有斬伐不可以興土功不可以合諸侯不可以起兵動衆季夏行春

令則穀實鮮落國多風欬辰之氣乘之也未屬巽辰又在巽位二氣相亂為害諸

本鮮皆作解淮無國字民乃遷徙象風轉移物也行秋令則丘隰水潦戌

氣乘之也九月宿值奎奎為溝漬與此月大雨并而高下皆水禾稼不孰傷於水也呂禾稼作稼

穡乃多女災含任之行冬令則風寒不時也呂風寒

作寒鷹隼蚤鷙得疾癘之氣也呂四鄙入保象鳥雀

唐竝作鷙淮作擊

也都邑之城曰保淮此下有六月官少內其樹梓

中央土

火休而盛其在土也

其日戊

已

戊之言茂也已之言起也日之行四時之間從黃道月為之佐至此萬物皆枝葉茂盛其含秀者抑屈而

起故因以

其帝黃帝其神后土

此黃精之君土官之臣自古以來著德立功者

也黃帝軒轅氏也后土亦顯項氏之子曰黎蕪為土官

其蟲倮

象物露見不隱藏虎豹之屬恒淺毛

作螺呂倮

其音宮

聲始於宮宮數八十一屬土者以其最濁君之象也季夏之氣和則宮聲調樂

記曰宮亂則荒其君驕

律中黃鐘之宮

黃鐘之宮最長也十二律轉相生五聲具終於六十

焉季夏之氣至則黃鐘之宮應禮運曰五聲六律十二管還相為宮

其數五

土生數五成數十但言五

者土以生為本唐此下有其性信其事思

其味甘其臭香

土之臭味也凡甘香者皆屬之

其祀中雷祭先心

中雷猶中室也土主中央而神在室古者複冗是以名室為雷云祀之先

祭心者五臟之次心次肺至此心為尊也祀中雷之禮設主於牖下乃制心及肺肝為俎其祭肉心肺肝各一

他皆如祀戶之禮唐此下

天子居大廟大室乘大路

駕黃駟載黃旂衣黃衣服黃玉食稷與牛其器圜以閼

大廟大室中央室也大路殷路也車如殷路之制而飾之以黃稷五穀之長牛土畜也器圜者象土周币於四

時閼讀如絃絃謂中寬象土含物呂圜作高閼作掄淮無此章文並見季夏章唐大路作黃路駟作龍

孟秋之月日在翼昏建星中旦畢中

孟秋者日月會於鶉尾而斗建

申之辰也呂之月下有長日至四旬六日字建星作斗畢中下有則立秋字淮無日在翼字有招搖指申

字建星亦作斗

唐作七月之節日

其日庚辛

庚之言更也辛

之言新也日之行秋西從白道成熟萬物月為之佐萬

物皆肅然改更秀實新成人因以為日名焉

有其位西方字下

其帝少皞其神蓐收

此白精之君金

來著德立功者也少皞金天氏蓐收少

其蟲毛

象物應

備寒狐貉之

其音商

三分徵益一以生商商數七十二

氣和則商聲調樂記

律中夷則

孟秋氣至則夷則之律應夷則者大呂之所生

也三分去一律長五寸七百分寸之四百

其數

九金生數

四成數九但言九者亦舉其

其味辛其臭腥

次定四車全書

禮書綱目

二十三

金之臭味也凡

辛腥者皆屬焉其祀門祭先肝

秋陰氣出祀之於門外陰也祀之先祭肝者秋

為陰中於藏直肝肝為尊也祀門之禮北面設主於門左樞乃制肝及肺心為俎奠於主南又設盛於俎東其

他皆如祭竈之禮

涼風至白露降寒蟬鳴鷹乃祭鳥用始行戮

皆記時候也寒蟬寒蜩謂蛻也鷹祭鳥者將食之示有先也既祭之後不必盡食若人君行刑戮之而已唐作立秋之日涼風至後五日白露降後五日寒蟬鳴以鷹乃祭鳥屬後章無用始行戮一句天子居

總章左个乘戎路駕白駱載白旂衣白衣服白玉食麻

與犬其器廉以深

總章左个大寢西堂南偏戎路兵車也制如周草路而飾之以白白馬黑

鬣曰駱麻實有文理屬金犬金畜也器廉以深象金傷害物入藏淮此一節云天子衣白衣乘白輅服白玉

建白旗食麻與犬服八風水繫柘燧火西宮御女白色
衣白衣撞白鐘其兵戈其畜狗朝於總章左个以出秋
令求不孝不悌戮暴傲悍而副之以助是月也以立秋
損氣唐戎路作白輅麻作酒犬作魚

先立秋三日太史謁之天子曰某日立秋盛德在金天

子乃齊

淮無是月至此一節
秋字太史下有以先立秋

唐無是月也以立
秋三日字之作於立秋

之日天子親帥三公九卿諸侯大夫以迎秋於西郊還

反賞軍帥武人於朝

迎秋者祭白帝白招拒於西郊之
兆也軍帥諸將也武人謂環人之

屬有勇力者

諸本帥皆作率反作乃
淮無諸侯字於作于唐無三九字

天子乃命將帥

選士厲兵簡練桀俊專任有功以征不義

征之言正也
伐也呂淮

無乃字帥作率淮唐無天子字淮詰誅暴慢以明好惡

士作卒唐厲作勵禁作傑俊作雋

詰謂問其罪窮治之也順猶服也

呂順作

順彼遠方巡淮無以明好惡字遠作四唐此下別

分一章云七月中氣日在張昏箕中曉昴中斗建申位

之中處暑之日鷹乃祭鳥後五日天地始肅後五日禾

乃是月也命有司修法制繕囹圄具桎梏

呂繕作謹

也及具桎梏字唐此

下有斷薄刑決小罪字禁止姦慎罪邪務搏執

順秋氣

塞無務搏執三字淮無止罪字慎作

命理瞻傷察創視折

理治獄官也

夏曰大理周曰大司寇創之

淺者曰傷淮無此一節

審斷決獄訟必端平

端猶

下有平詞訟字無必端平字

戮有罪嚴斷刑

淮無此六

唐無

禁止至天地始肅不可以羸肅嚴急之言也羸猶解旱

月也農乃登穀天子嘗新先薦寢廟黍稷之屬於是始

唐月也下有築場圖字命百官始收斂順秋氣收斂物

唐作是月也命完隄防謹壅塞以備水潦備者備八月

有司納材葦障唐無此一節修宮室坏墻垣補城郭象秋收斂

障畢好雨淮作修城郭繕宮室無坏墻垣字是月也母以

封諸侯立大官母以割地行大使出大幣古者於嘗出

也而禁封諸侯割地失其義呂淮無諸字呂以割地

作割土地淮無母以割地字呂淮下有二句並作行重

幣出大使

呂此下有行之是令而涼風至三旬

孟

淮此下有行是月令涼風至三旬

唐無此一節

秋行冬令則陰氣大勝

亥之氣乘之也

介蟲敗穀

介甲也甲蟲屬冬敗穀者

稻蟹之屬

戎兵乃來

十月宿值營室營室主武士

行春令則其國

乃旱

寅之氣乘之也雲雨以風除也

陽氣復還五穀無實

陽氣能生而不能成實

呂復作後

行夏令則國多火災

已之氣乘之也

淮寒

熱不節民多瘧疾

瘧疾寒熱所為也今月令瘧疾為厲疫淮熱作暑此下有七月官庫其

樹棟

仲秋之月日在角昏牽牛中旦觜觿中

仲秋者日月會於壽

星而斗建酉之辰也

呂淮觿皆作雉

唐作八月之節日在翼昏南斗中

曉畢中斗建酉位之初

律中南呂

南呂者大簇之所生三分去一律長五寸三分寸之一仲秋氣

秀物

至則南呂之律應周語曰南呂者贊陽諸本上下與孟秋同今從唐本

盲風至鴻鴈來

玄鳥歸羣鳥養羞

皆記時候也歸謂去蟄也凡鳥隨陰陽者不以中

國為居羞謂所食也夏小正曰九月丹鳥羞白鳥說曰丹鳥也者謂丹良也白鳥也者謂閭蚘也其謂之鳥者

重其養者也有翼為鳥養也者不盡食也二者文異羣鳥丹良未聞孰是呂淮盲作涼鴻作候淮養作翔無

羞字

唐作白露之日鴻鴈來後五日玄鳥歸後五日羣鳥養羞無育風至三字

天子居總章

大廟

總章大廟西堂當大室也

淮居是月也養衰老作朝于諸本孟秋同今從唐本

授几杖行糜粥飲食

助老氣也行猶賜也淮以此一節屬下文

乃命司服

飭衣裳文繡有恒制有大小度有長短

此謂祭服也文謂畫也祭服之

制畫衣而繡裳

呂恒作常

衣服有量必循其故

此謂朝燕及他服凡此為寒益至也

詩云七月流火九月授衣於是作之可也

冠帶有常

因制衣服而作之也淮無乃命至此一節唐

以屬季秋章

乃命有司申嚴百刑斬殺必當毋或枉撓枉撓

不當反受其殃

申重也當謂值其罪淮枉撓作決獄下有是月也

諸本皆無乃字

授几杖行稱鬻飲食必當下有無留有罪仍以此一節屬後章

唐命有上有是月也

是月也乃

命宰祝循行犧牲視全具案芻豢瞻肥瘠察物色必比

類量大小視長短皆中度五者備當上帝其饗

於鳥獸肥充之

時宜省羣牲也宰祝大宰大祝主祭祀之官也養牛羊
曰芻犬豕曰豢五者謂所視也所案也所瞻也所察也
所量也此皆得其正則上帝饗之上帝饗之而無神不
饗也呂循作巡饗作享淮無是月也循視全具字
瞻肥瘠作視肥癯全粹必作謂長短作少長皆作
莫不無五者以下八字唐無乃字宰祝作有司天子
乃難以達秋氣此難難陽氣也陽暑至此不衰害亦將
昂畢昂畢亦得大陵積尸之氣氣佚則厲鬼亦隨而出
行於是亦命方相氏帥百隸而難之王居明堂禮曰仲
秋九門磔攘以發陳氣禦止疾疫諸本難作儻呂
儻下有禦佐疾字達作通淮達作御唐天子上有
是月也字此下有是月也命樂正習吹上丁釋奠於國
學天子乃率公卿諸侯大夫親往視之是月也命有司
上戊釋奠於太公廟是月也擇元日命人社此下又別
分一章云八月中氣日在軫昏南斗中曉東井中斗建

酉位之中秋分之日雷乃收聲後五日蟄蟲坏戶後五日水始涸是月也祝夕月于西郊是月也命有司享壽星於南郊以犬嘗麻先薦寢朝麻始孰也唐是月也可以

築城郭建都邑穿竇窖修囷倉

為民將入物當藏也穿竇窖者入地圓曰竇方

曰窖王居明堂禮曰仲秋命庶民畢入于室曰乃命有時殺將至毋罹其災呂窖作窳淮無也字

乃命有

司趣民收歛務畜菜多積聚

始為禦冬之備蓄淮無務字菜作采

呂蓄作

唐無是月乃勸種麥毋或失時其有失時行罪無疑者

至此二節接絕續乏之穀尤重之呂其有作其或種下有宿字無毋或失時字其有作若或

唐無乃字唐以此一

節屬是月也日夜分雷始收聲蟄蟲坏戶殺氣浸盛陽

氣日哀水始涸

又記時候也雷始收聲在地中動內物也

此甫八月中氣雨未止而云水竭非也周語曰辰角見而雨畢天根見而水涸又曰雨畢而除道水涸而成

梁長角見九月本也天根見九月末也王居明堂禮曰季秋除道致梁以利農也呂淮雷下有乃字無聲字

呂坏作俯户淮坏作唐以屬上文日夜分則同度量平權衡正鈞石

角斗甬

呂淮同作壹甬作齊斗作升淮無則字甬作稱唐無正鈞石角斗甬別有是月也命有司祭

焉社天子嘗麻先薦寢廟命有司申嚴百刑斬殺必當無留有罪無或枉撓枉撓不當反受其殃是月也勸人

種麥無或失是月也易關市來商旅納貨賄以便民事

四方來集遠鄉皆至則財不匱上無乏用百事乃遂

易關

市謂輕其稅使民利之商旅賈客也匱亦乏也遂猶成也

呂集作雜

淮無是月也及則字易作理賄作財

呂淮納作入則凡舉大事毋逆大數必順其時慎因其

財下有物字

類事謂興土功合諸侯舉兵衆也季夏禁之孟秋始征

伐此月築城郭季秋教田獵是以於中為之戒焉

呂無大字大作天慎作乃此下有行之是令白露降仲

三旬淮無此一節

唐無是月以下至此一節

仲

秋行春令則秋雨不降

卯之氣乘之也

直房心為大火

卯宿草木生榮

應陽國乃有恐

動也

淮以火訛相驚

呂

行夏令則其國乃旱

蟄蟲不藏五穀復生

牛之氣乘之也

乃字

淮穀下有皆字

行冬令則

風災數起收雷先行

子之氣乘之也

北風殺草木蚤死

冬至閉藏

寒氣盛也

淮此下有八月官尉其樹柘

季秋之月日在房昏虛中旦柳

中季秋者日月會於大火而斗建戌之辰也

淮無日在房昏

牽牛中曉東井中斗建戌位之初

律中無射

無射者夾鐘之所生三十分去一律長四寸六千五百

六十一分寸之六千五百二十四季秋氣至則無射之律應周語曰無射所以宣布詰人之令德示民軌儀

諸本見仲秋章鴻鴈來賓爵入大水為蛤鞠有黃華豺乃祭獸

戮禽

皆記時候也來賓言其客止未去也大水海也戮猶殺也呂淮鴻鴈作候鞠作菊呂乃作則淮爵作

崔唐作寒露之日鴻鴈來賓後五日崔入大水為蛤後五日菊有黃華豺乃以下入後章

天子居

總章右个

總章右个西堂北偏居作朝于餘見中秋章

是月也申嚴號令

申重淮唐是月命百官貴賤無不務內以會天地之

藏無有宣出

內謂收斂入之也。會猶聚也。呂淮無命字。內作入。唐此月有是月也。命有司伐

蛟取鼉登龜取鼃又分此下別為一章云九月中氣日在氏昏須女中曉柳中斗建戌位之中霜降之日豺乃

祭獸後五日草木黃落後五日蟄蟲咸俯乃命冢宰農事備收

備猶盡也。呂無乃字。

唐屬下丈舉五穀之要

定其租稅之簿。呂穀作種。

藏帝籍之收於神倉

祇敬必飭

重穡盛之委也。帝籍所耕千畝也。藏祭祀之穀為神倉。祇亦敬也。呂無之收字。淮無

祇敬必飭字

是月也霜始降則百工休

寒而膠漆之作不堅好也。淮

無則乃命有司曰寒氣總至民力不堪其皆入室

總猶

唐總作摠此下有是月也命有司具飭衣裳文繡有恒衣服有量冠帶有常必循其故是月也天子嘗稻先薦寢廟乃命有司農事備收舉五穀之要藏帝藉於神倉祇敬必飭是月也命有司合秩芻以養犧牲以供皇天上帝名山大川四方之神以祠宗廟社稷之靈為人祈福

上丁命樂正入學習吹

為將饗帝也春夏重舞秋冬重吹也唐無上丁入學字是月也大饗帝

言大饗者遍祭五帝

也曲禮曰大饗不問卜謂此也唐無是月也字唐帝下有於明堂字嘗犧牲告備於天

子嘗者謂嘗羣神也天子親嘗帝使有司祭於羣神禮畢而告焉淮無告備於天子唐此上有命有司

此下有是月也趣人合諸侯制百縣為來歲受朔日與收斂務畜菜十字

諸侯所稅於民輕重之法貢職之數以遠近土地所宜

為度以給郊廟之事無有所私秦以建亥之月為歲首於是歲終使諸侯及鄉

遂之官受此法焉合諸侯制者定其國家宮室車旗衣服禮儀也諸侯言合制百縣言受朔日互文也貢職謂

所入天子凡周之法以正月和之正歲而縣於象魏是淮職作賦地作墜無以給下十字唐無此一節

月也天子乃教於田獵以習五戎班馬政教於田獵因田獵之禮教

民以戰法也五戎謂五兵弓矢戈戟也政謂齊其色度其力使同乘也校人職曰凡軍事物馬而頒之

呂班作魯無政字命僕及七駟咸駕載旌旄授車以

級整設於屏外僕戎僕及御夫也七駟謂趣馬在為諸官駕稅者也既駕之又為之載旌旗司

馬職曰仲秋教治兵如振旅之陳辨旗物之用王載太常諸侯載旂軍吏載旗師都載旌鄉遂載物郊野載旄

百官載旗是也級等次也整正列也設陳也屏所田之

地門外之蔽呂旌作旂旒下有與字授作受淮命

下有火字載作戴旌作往無旒字整作皆正司徒搢扑北面誓之法也呂

淮面作嚮以天子乃厲飾執弓挾矢以獵厲飾謂戎服

有服廣字呂淮挾作操呂獵作射命主祠祭禽於四

方以所獲禽祀四方之神也司馬職曰羅弊致禽以祀

此一節是月也草木黃落乃伐薪為炭伐木必因殺氣

是月也字草木蟄蟲咸俯在內皆瑾其戶瑾為塗閉之

黃落已見上文內作穴淮俯作俛無下六字乃趣獄刑毋留有罪

殺氣已至有罪者即決也

呂趣作決 唐無此一節

收祿秩之不當供養之不

宜者

天地殺而萬物收藏可以去之也祿秩之不當恩所加增也供養之不宜欲所貪者熊蹯之屬非常

道從

呂當下有者字供作共

淮此下有通路除

是月

也天子乃以犬嘗稻先薦寢廟

稻始熟也

呂無以犬

見上季秋行夏令則其國大水冬藏殃敗民多勦噓未

氣乘之也六月宿值東井

氣多暑雨 呂淮噓作窒行冬令則國多盜賊邊境不

寧土地分裂

丑之氣乘之也極陰為外邊境之象也大寒之時地隆折也

行春令則

煖風來至民氣解情

辰之氣乘之也巽為風

師興不居

呂煖作煖情作墮

辰宿值角角主兵不居象風行不休止也呂興
不居作旅必興淮此下有九月官候其樹槐孟

冬之月日在尾昏危中旦七星中孟冬者日月會於析

辰也淮無日在尾字有招搖指亥字唐作十
月之節日在房昏虛中曉張中斗建亥位之初其日

壬癸壬之言任也癸之言揆也日之行冬北從黑道閉
藏萬物月為之佐時萬物懷任於下揆然萌芽人

因以為日名焉淮此上有其
位北方字下有盛德在水字其帝顓頊其神玄冥此

精之君水官之臣自古以來著德立功者也顓頊高陽
氏也玄冥少皞氏之子曰修曰熙為水官淮無此二

句其蟲介介甲也象物閉藏其音羽三分商去一以生
地中龜鼈之屬羽羽數四十八屬

水者以為最清物之象也冬氣和則律中應鐘孟冬氣
羽聲調樂記曰羽亂則危其財匱至則應

鐘之律應應鐘者姑洗之所生三分去一律長四寸其

數六

水生數一成數六

但言六者亦舉其成數唐此下有其性智其事聽其

其味鹹其臭

朽

水之臭味也凡鹹朽者皆屬焉

其祀行祭先腎

冬陰盛寒

於水祀之於行從辟除之類也祀之先祭腎者陰位在下腎亦在下腎為尊也行在廟門外之西為轅壤厚二寸廣五尺輪四尺祀行之禮北面設主於轅上乃制腎及脾為俎奠于主南又設盛於俎東祭肉腎一脾再其

他皆

如祀門之

水始冰地始凍雉入大水為蜃虹藏不

見

皆記時候也大水淮也大蛤曰蜃唐作立冬之日

以下四字天子居玄堂左个乘玄路駕鐵驪載玄旂衣

屬後章

黑衣服玄玉食黍與羴其器閔以奄

玄堂左个北堂西偏也鐵驪色如鐵

黍秀舒散屬火寒時食之亦以安性也羴水畜也器閔而奄象物閉藏也今月令曰乘軫路似當為衿字之誤

也

呂奄作弁

淮此一節

作天子衣

黑衣乘玄驪服

玄玉建玄旗食黍與羴服八風水爨松燧火北宮御女

出冬令命有司修羣禁禁外徙閉門閭大搜客斷罰刑

殺當罪阿上亂法者誅

諸本

是月也以立冬先立冬

路皆作輅唐黑作玄羴作鴈

三日大史謁之天子曰某日立冬盛德在水天子乃齊

立冬之日天子親帥三公九卿大夫以迎冬於北郊還

反賞死事恤孤寡

迎冬者祭黑帝叶光紀於北郊之兆也死事謂以國事死者若公叔禺人

顏涿聚者也孤寡其妻子也有以惠賜之大功加賞
呂無以字帥作率反作乃淮無是月至乃齊一節冬

於作歲于唐無是月也以立冬字大史下有先立冬
三字無三九字有諸候字淮唐帥反字並同呂本

是月也命大史釁龜筮占兆審卦吉凶筮著也占兆龜
之繇文也周禮

龜人上春釁龜謂建寅之月也泰以其歲首使大史釁
龜筮與周異矣卦吉凶謂易也審省錄之而不釁筮筮

短賤於兆也今月令曰釁祠祠衍字呂史作卜釁作
禱祠呂淮筮作策無占兆字卦下有兆以察字淮無也

字史作祝釁作禱祀下又有神位是察阿黨則罪無有
占字唐以此一節屬孟春章

掩蔽阿黨謂治獄吏以私恩曲撓相為也呂是上有
于字黨作上下有亂法者罪下有之字淮無此

一節唐無是字蔽下有是月也可是月也天子始裘
以築城郭造宮室穿竇塞修囹圄

九月授衣至此可以加裘淮是月也作于是唐此
下有是月也祭神州地祇于北郊是月也命有司祭司
寒是月也命有司祭司中司命司人司祿此下又别分
為一章云十月中氣日在尾昏危中曉翼中斗建亥位

之命有司曰天氣上騰地氣下降天地不通閉塞而成

冬

使有司助閉藏之氣門戶可閉閉之憲牖可塞塞之
呂無塞字 淮無此一節 唐云小雪之日虹藏

不見後五日天氣上騰地氣下降後命百官謹蓋藏謂

庫圉倉有藏物呂命命司徒循行積聚無有不斂謂

木薪蒸之屬淮無循字及無坏城郭戒門閭修鍵閉

慎管籥固封疆備邊境完要塞謹關梁塞徯徑坏益也 鍵壯閉

北也管籥搏鍵器也固封疆謂使有司循其溝樹及其衆庶之守法也要塞邊城要害處也梁橋橫也後徑禽

獸之道也今月令疆或為壘呂坏作埒管作闕呂淮鍵作捷疆作壘後作蹊淮坏作脩戒作警備作修

無梁字塞作絕唐無慎至疆飭喪紀辨衣裳審棺槨六字及完要塞三字後作蹊

之薄厚瑩丘壘之小大高卑厚薄之度貴賤之等級亦

閉藏之具順時飭正之也辨衣裳謂襲斂尊卑所用也所用又有多少呂喪作哀淮無辨衣裳字榔下有

衣衾字卑作庫度下云是月也命工師効功陳祭器案使貴賤尊卑各有等級

度程毋或作為淫巧以蕩上心必功致為上工休至此

物皆成也工師工官之長也効功錄見百工所作器物也主于祭器祭器尊也度謂制大小也程謂器所容也

淫巧謂奢偽怪好也蕩謂搖動生其奢淫呂淮無命字呂唐無或為必字淮程作呈無母或至心必十一字

堅功作物勒工名以考其誠勒刻也刻工姓名於其器以察其信知其不功致淮無

此一節功有不當必行其罪以窮其情功不當者取材美而器不堅也呂

必行其罪淮云功事若慢作為淫巧是月也大飲農事畢天子諸侯與其羣臣飲酒於大學以正齒位謂之大飲別之于他其禮亡今天子以燕禮羣國以鄉飲

酒禮代之烝為有牲體為俎也黨正職曰國索鬼神而祭祀則以禮屬民而飲酒于序以正齒位亦謂此時也

詩云十月滌場朋酒斯饗日殺羔羊躋彼公堂稱天子彼兕觥受福無疆是頌大飲之詩呂淮烝作蒸

乃祈來年于天宗大割祠于公社及門閭臘先祖五祀

此周禮所謂蜡祭也天宗謂日月星辰也大割大殺羣牲割之也臘謂以田獵所得禽祭也五祀門戶中雷竈行也或言祈年或言大割或言臘互文呂割下有牲字臘作饗禱淮無乃字割作禱祠作祭無及門閭字臘作畢饗無五祀勞農以休息之位是也呂淮農下唐無此一節

有夫天子乃命將帥講武習射御角力簡習之亦因營

室主武事也凡田之禮唯狩最備夏小正十一月王狩呂帥作率習作肄淮無天子乃字力下有勁字

唐無此一節而有是月也易闕市來征旅納貨賄以便人事四方來集遠鄉皆至則財不匱上無乏用百事乃

遂是月也乃命水虞漁師收水泉池澤之賦毋或敢侵

削衆庶兆民以為天子取怨于下其有若此者行罪無

赦

因盛德在水收其稅又無衆庶以下二十一字

淮無是月也及敢字削作平唐水虞漁師作有司無

泉池字或作令亦無衆庶字赦下有是月也乃命有司秣稻必齊麴蘖必時湛熾必絜水泉必香淘器必良火

齊必得兼用六物酒官監之無有差貸四十字孟冬行春令則凍閉不密地氣

上泄

寅之氣乘之也呂淮上並作發

民多流亡

象蟄動

行夏令則國多

暴風方冬不寒蟄蟲復出

已之氣乘之也立夏巽用事巽為風淮無國字

行

秋令則雪霜不時

申之氣乘之也

小兵時起土地侵削

申陰氣尚微申

宿值參伐為兵有十月官司馬其樹檀

淮此下

仲冬之月日在斗昏東辟

中旦軫中

仲冬者日月會于星紀而斗建子之辰也呂辟作壁淮無日在斗字有招搖指子字

無東字唐作十一月之節日在箕律中黃鍾黃鍾者

昏營室中曉軫中斗建子位之初也九寸仲冬氣至則黃鍾之律應周語曰黃鍾所以冰

宣養六氣九德諸本上下與孟冬同今從唐本益壯地始圻鷦旦不鳴虎始交皆記時候也鷦旦求旦

淮旦作鷦淮鷦作鵠唐無冰益壯地始圻字作大天子

雪之日鷦鳥不鳴後五日武始交後五日荔挺生居立堂大廟立堂大廟北堂當大室飭死事飭軍

必有死志呂淮唐並無此三字今按三字衍文當從唐本命有司曰土事毋作慎

毋發蓋毋發室屋及起大眾以固而閉地氣沮泄是謂

發天地之房諸蟄則死民必疾疫又隨以喪命之曰暢

月

而猶女也暢猶充也大陰用事尤重閉藏呂無慎字蓋下有藏字無發室屋及字閉下有發蓋藏起大

衆字沮作且必作多淮無慎蓋字屋作居無以固至沮泄八字房作藏又作有喪下有急捕盜賊誅淫佚詐

偽之入無之字暢作暢唐無曰是月也命奄尹申宮

令審門閤謹房室必重閉

奄尹主領奄堅之官也于周則為內宰掌治王之內政宮

令譏出入及開閉之屬重閉外內閉也省婦事毋得淫

雖有貴戚近習毋有不禁

省婦事所以靜陰類也淫為女工奢偽怪好物也貴戚謂

姑姊妹之屬近習天子所親幸者乃命大酋秣

母得以下十三字唐無省婦以下六字稻必齊麴蘖必時湛熾必絜水泉必香陶器必良火齊

必得兼用六物大酋監之母有差貸

酒孰曰酋大酋者酒官之長也于周

則為酒人秫稻必齊謂孰成也湛漬也熾炊也火齊生孰之調也物猶事也差貸謂失誤有善有惡也古者獲稻而漬米麴至春而為酒詩云十月獲稻為此春酒以介眉壽

呂熾作熾無兼用以下八字

唐此一節見

前章

天子命有司祈祀四海大川名源淵澤井泉

順其德盛之時

祭之也今月令淵為深
淮唐無祈字淮無源淵井泉字唐無天子字無淵澤字
又分此下別為一章云十一月中氣日在南斗昏東壁中曉角中斗建子位之中冬至之日蚯蚓結後五日麋角解後五日水泉動是月
也祀昊天上帝於圓丘
是月也農有不收藏積聚者

馬牛畜獸有放佚者取之不詰

此收斂尤急之時人有取者不罪所以警懼其

主也王居明堂禮曰孟冬之月命農畢積聚繫牧牛馬
呂淮馬牛作牛馬佚作失淮無上者字唐畜作禽佚

山林藪澤有能取蔬食田獵禽獸者野虞教道之其有

相侵奪者罪之不赦務收斂野物也大澤曰藪草木之實為蔬食諸本道皆作導呂淮

是月也疏作疎淮無下者字唐野虞作有司此下有是月也日

短至陰陽爭諸生蕩爭者陰方盛陽欲起也蕩謂物動將萌芽也淮無諸生蕩字君

子齊戒處必掩身身欲寧去聲色禁耆欲安形性事欲

靜以待陰陽之所定寧安也聲謂樂也易及樂春秋說云冬至人主與羣臣從八能之士

作樂五日此言去聲色又相反諸本並無一身字耆皆作嗜呂揄作弇淮君子上有是月也字寧作靜

欲作慾下又有寧身體字無事芸始生荔挺出蚯蚓結
欲以下十字唐欲靜作無躁芸始生荔挺出蚯蚓結

麋角解水泉動又記時候也芸香草也荔挺馬薺也水
泉動潤上行淮作荔挺出芸始生蚓

作蟪唐無芸始日短至則伐木取竹箭此其堅成之
生三字餘見上文日短至則伐木取竹箭極時淮無

日短至三字伐下有是月也可以罷官之無事去器之
樹字唐已見上文是月也可以罷官之無事去器之

無用者謂先時權所建作者也天地閉藏而塗闕庭門
萬物休可以去之淮無以去字

閭築圉圉此以助天地之閉藏也順時氣也呂淮此
作所淮無藏也字唐

無此仲冬行夏令則其國乃旱午之氣氛霧冥冥之氣
一節乘之也

散相亂也雷乃發聲震之動也行秋令則天時雨汁
呂氣作氣

瓜瓠不成

酉之氣乘之也酉宿直昂畢畢好雨雨汁者水雪雜下也子宿值虛危虛危內有爪瓠

淮天作其

國有大兵

兵亦畢之氣

行春令則蝗蟲為敗

當蟄者出

卯之氣乘之也

唐作蟲蝗

水泉咸竭

大火為旱

民多疥癩

疥癩之病

孚甲象也

呂淮疥作疾

李冬之月日在婺女

昏婁中旦氐中

也

季冬者日月會于玄枵而斗建丑之辰

唐作十二月之節

日在南斗建丑位之初

律中大呂

大呂者蕤賓之所生也三

分益一律長八寸二百四十三分寸之百四季冬氣至則大呂之律應周語曰大呂助陽宣物諸本見仲冬

章鴈北向鵲始巢雉雞乳

皆記時候也雉雞鳴也詩云雉之朝雉尚求其雌

呂雉雞乳作乳雉雉淮始作加雉雞乳作雉雉

雞呼卵唐云小寒之日鴈北鄉後五日鵲始巢後五

日野雉天子居玄堂右个玄堂右个北堂東偏諸本

始雉帥講武習射御角力乃教田獵以習五戎班馬政命僕

及七駟咸駕載旌旄授車以級整設於屏外有司播扑

北面以誓之天子乃厲飾執弓挾矢以獵命有司修祭

禽之禮天子乃禋百神于南郊為來年祈福于天宗又

分此下別為一章云十二月中氣日在須女昏婁中曉

氏中斗建丑位之中大寒之日雞始乳後五日鷩鳥厲

疾後五日命有司大難旁磔出土牛以送寒氣此難難

水澤腹堅難陰始於此者陰氣右行此月之中日歷虛危虛危有

墳墓四司之氣為厲鬼將隨強陰出害人也旁磔于四

方之門磔攘也出猶作也作土牛者丑為牛牛可牽止

也送猶畢也諸本難作難淮無以送寒氣字唐

屬下征鳥厲疾

殺氣當極也征鳥題肩也齊人謂之擊征或名曰鷹仲春化為鳩

唐見上文

乃畢山川之祀及帝之大臣天神祇

四時之功成于冬孟月祭其宗

至此可以祭其佐也帝之大臣句芒之屬天神祇司中司命風師雨師

呂畢下有行字天下有地字淮

唐無此一節

是月也命漁師始漁天子親往乃嘗魚先薦寢

廟

天子必親往視漁明漁非常事重之也此時魚絜美淮無是月也字嘗作射淮唐無乃字唐漁師作有

司冰方盛水澤腹堅命取冰

腹厚也此月日在北陸冰堅厚之時也北陸謂虛也

今月令無堅

呂淮腹作復

唐水澤

冰以入命告民

出五種冰

冰既入而令

田官告民出五種明大寒氣過農事將起也淮無冰方至以入十三字又無告

字唐命農計耦耕事修耒耜具田器耜者耒之金也廣五寸田器鉏

鏹之屬命下作有司字淮命作令唐無事命樂

師大合吹而罷歲將終與族人大飲作樂于大寢以綴

年若時乃復然也凡用樂必有禮用禮則有不用樂者

王居明堂禮季冬命國為酒以合三族君子說小人樂

節唐以此一乃命四監收秩薪柴以共郊廟及百祀之

薪燎四監主山林川澤之官也大者可析謂之薪小者

析薪今月令無及百祀之薪燎呂淮共作是月也日

窮於次月窮於紀星回於天數將幾終言日月星辰運

行於此月皆周

而於故處也次舍也紀會也呂回歲且更始專而農

民毋有所使

而猶女也言專一女農民之心令之豫有志於耕稼之事不可徭役徭役之則志散

失業也

呂淮且作將呂而作于淮專作令而作靜唐而作其

天子乃與公卿大夫共

飭國典論時令以待來歲之宜

飭國典者和六典之法也周禮以正月為之建

寅而縣之今用此月則所因於夏殷也

呂無公字

淮無共字來作嗣唐此下有是月也合諸侯制百縣為來歲受朔日與諸侯所稅於人輕重之法貢職乃命

之數以遠近土宜為度以給郊廟之事無有所私

大史次諸侯之列賦之犧牲以共皇天上帝社稷之饗

此所與諸侯共者也列國有大小也賦之犧牲大者出

多小者出少饗獻也

諸本共並作供

淮饗作芻享

唐大史作有司無皇天上帝乃命同姓之邦共寢廟社稷之享八字而有享祀二字

之芻豢

此所與同姓共者也芻豢猶犧牲

命宰歷卿大夫至

於庶民土田之數而賦犧牲以共山林名川之祀

此所與卿

大夫庶民共者也歷猶次也卿大夫采地亦有大小其非采地以其邑之民多少賦之

呂命作令歷作磨賦

下有之字共作供

淮無命宰歷三字卿下有士字無土田至犧牲以九字

唐無此一節凡在天

下九州之民者無不咸獻其力以共皇天上帝社稷寢

廟山林名川之祀

此民非神之福不生雖有其邦國采地此賦要由民出

呂此下有行之是

今此謂一終二旬二日淮無此一節唐無者字共作供名川作川澤此下又有命樂正大合吹而罷乃命

有司收秩薪柴以供郊廟及百祀之薪燎命有司大儺旁磔以送寒氣季冬行秋令則白

露早降介蟲為妖戌之氣乘之也九月初尚有白露月中乃為霜丑為鼈蟹四鄙入

保畏兵辟寒象

呂鄱作

鄰行春令則胎夭多傷

辰之氣乘之也天少長也此月物甫

萌芽季春乃傷者生氣早至不充其性

句者畢出萌者盡達胎夭多

國多固疾生

充性有久疾也命之曰逆

眾害莫大于此行夏令則水潦敗國時雪不

降冰凍稍釋

未之氣乘之也季夏大雨時行淮此下有十二月官獄其樹櫟

禮書綱目卷五十五